



იმისთანა წმინდა საცმეში, ბოგბოღ ბეჭედის სიფყვას, ცუდიუღით და ჭბრბით ბუბთის გაფანა ყულა უკადრისბაზე უსამაგლესია.

გამოდის 1918 წლის 25 ივლისიდან

# რესპუბლიკა


სამშაბათი-ოთხშაბათი, 6-7 ოქტომბერი. 2020 წ. №126-127 (9052-9053) ელ.ფოსტა: sakresp@mail.ru და sakresp@top.ge ფასი 1 ლარი

## „უფლილი“ კავკასია



### ილჰამ ალიევი: ჩვენი სამხედროები სომეხ ჯარისკაცებს კაღვებოვით მიერაკებინან...

## ნიკოლ ფაშინიანი რუსეთის იმეღჯაა



### საქართველოდან 70 კმ-ში სომხეთის ატომური ელექტროსადგურის დაბომბვის საშიშროება რეალურია, მინგებარური უკვე დაბომბილია!



იენს სტოლტენბერგმა შეშფოთება გამოთქვა მთიან ყარაბაღის კონფლიქტის ზონაში მშვიდობიანი მოსახლეობის დაღუპვის გამო. ამის

### იენს სტოლტენბერგი: მთიან ყარაბაღში შექმნილი ვითარება სფრთხის უმესველია რეგიონისთვის

შესახებ იენს სტოლტენბერგმა თურქეთში სამუშაო ვიზიტის ფარგლებში განაცხადა. „ჩვენ ძალიან გვაშფოთებს ყარაბაღში შექმნილი ვითარება. ვხედავთ, რომ მშვიდობიანი მოსახლეობა იღუპება. ამ კონფლიქტს ყველა მიმართულებით შეუძლია, რისკები გამოიწვიოს, მათ შორის ენერგეტიკული მიმართულებით“, — განაცხადა იენს სტოლტენბერგმა.

ნატოს გენერალურმა მდივანმა ასევე აღნიშნა, რომ მთიან ყარაბაღში შექმნილი ვითარება საფრთხის შემცველია მთლიანად რეგიონისთვის, მათ შორის ნატოს წევრებისთვისაც. „კონფლიქტის ყველა მხარეებს მოვუწოდებთ, დაუყოვნებლივ შეწყვიტონ სამარო მოქმედებები და მოლაპარაკებებს შეუდგნენ“!

### ქართველ ხალხს ბიძინა ივანიშვილის ქველობას და სიკეთეს ვერავინ დაავინწყებს!



### სააკაძემ, ოძელაშვილმა და მეჯღანუაშვილმა უკვე დააყენეს სისხლის ღვარი... კასუნას სინდრომი

### ავთანდილ არაბული: კორონამ ქართველს სამშობლო გაასხენა



### რატომ არ ისარგებლა კომისიამ რუკით, სადაც ნათლად ჩანს, რომ უღაბნო საქართველოს ტერიტორიაზეა?



სტრატეგიული კვლევების კავკასიური ცენტრის ხელმძღვანელი მამუკა არეშიძე აცხადებს, რომ დავით გარეჯის სადავო ტერიტორიაზე მომუშავე ჯგუფს 2000-იანი მასშტაბის რუკით უნდა ეხელმძღვანელა. აღნიშნული რუკა ნათლად აჩვენებს, რომ სადავო მონაკვეთები საქართველოს ტერიტორიაზეა. „ის არის ზოგადი, რომლითაც იხელმძღვანელეს და იქ ბუნდოვნად ჩანს, უდაბნო სადავო არის განლაგებული და ამ 2000-ზე ჩანს ბევრად უფრო კონკრეტულად და ნათლად, რომ უდაბნო არის საქართველოს ტერიტორიაზე და, საერთოდ, ეს გარეჯის კომპლექსი ერთადერთი ობიექტის გარდა, რომელიც სამი კილომეტრის მოშორებით არის, დანარჩენი ყველაფერი არის საქართველოს ტერიტორია. ლოგიკა ამ მოვლენების განვითარებისა, მე მკარანახობს, რომ ყველაფერი ეს შეგნებულად არის გაკეთებული და კომისიის კომპეტენტურმა წევრმა, ვინც კარტოგრაფიაში ერკვევა და ვითარებას „აკონტროლებდა“, აურია დანარჩენ წევრებს ტვინი,“ — განაცხადა მამუკა არეშიძემ.



# სალომე ზურაბიშვილი: ბედნიერი ვარ, რომ თქვენი მმართველობის ხანაში, მაქვს პატივი, ვიყო საქართველოს პრეზიდენტი!..

„თქვენს ლოცვას დიდი ძალა აქვს, დღეს, როცა ჩვენი ორი მოძვე ქვეყანა ომობს და კავკასიის წმინდა მიწაზე კვლავ იღვრება ძმების სისხლი, თქვენი ლოცვა მშვიდობისთვის, მწამს, აგვაცილებს განსაცდელს და მოგვითმის მშვიდობას“, — მიმართა საქართველოს პრეზიდენტმა სალომე ზურაბიშვილმა საქართველოს კათოლიკოს-პატრიარქს ილია მეორეს გუშინ საპატრიარქოში უწმინდესისა და უნეტარესისათვის საპატიო დოქტორის (honoris causa) ხარისხის მინიჭების ცერემონიაზე.

პრეზიდენტმა პატრიარქის ღვანლზე ისაუბრა და აღნიშნა, რომ მის ხელში ხელახლა დაიბადა საქართველოს სამოციქულო ავტოკეფალური მართლმადიდებელი ეკლესია, როცა ის მსოფლიო ეკლესიების ოჯახის სრულყოფილებიან წევრად აღდგა.

— მისარია, რომ ვიმყოფები საქართველოს კათოლიკოს-პატრიარქის, უწმინდესისა და უნეტარესის ილია II-სათვის საპატიო დოქტორის (honoris causa) ხარისხის მინიჭების ცერემონიაზე და როგორც საქართველოს პრეზიდენტი საშუალება მეძლევა, მოკლედ ვისაუბრო ქართველი საზოგადოების სახელით მისი უწმინდესობის ღვანლზე ჩვენი ქვეყნისა და ერის წინაშე. ისიც უნდა დავამატო, რომ ცოტა არ იყოს, გამიკვირდა, რომ ჯერ არ ჰქონდა უწმინდესს მიღებული საპატიო ხარისხი ჩვენი სემინარიის და აკადემიისა.

თქვენ შეძელით თქვენი დაუღალავი შრომით საქართველოში უამრავი ეკლესია-მონასტრების აშენება-აღორძინება და, პირველ რიგში, ჩვენს საზღვრებში, რაც არის უდიდესი საქმე ჩვენი სახლემწიფოსთვის.



რელიგიური განათლება ხელმისაწვდომი გახადეთ საქართველოს თითქმის იმ დროს აბსოლუტურ ათეისტურ საზოგადოებაში, რაც გამოიხატა, პირველ რიგში, სასულიერო სემინარიის დაარსებით, რასაც მოჰყვა სხვადასხვა პროფილის საგანმანათლებლო დაწესებულებები და უნივერსიტეტი.

თქვენ შეძელით საქართველოს ეკლესიის წიაღში ქართული კულტურის შენარჩუნება და აღორძინება, იქნება ეს არქიტექტურა, მედიცინა, სოფლის მეურნეობის დარგები, ხელსაქმე, მონუმენტური მხატვრობა, გალობა, ხატუნა, მინანქრის ხელოვნება, ოქრომჭედლობა, ნაქარგობა და სხვა მრავალი.

დაუფიქრებია თქვენი გმირობა 2008 წლის ომის დროს, როცა თქვენი მისიის წინააღმდეგ მტერიც კი უძლური აღმოჩნდა და როგორც ჭეშმარიტმა მშობელმა და ჭირისუფალმა ოკუპირებული ზონიდან ჩამოასვენ-

ნეთ და გააპატიოსნეთ ჩვენი დაღუპული გმირები.

დიდია თქვენი ღვანლი ამ ბოლოპარ წლებში შვილ-მკვდარი მშობლების ნუგეშისა და მათი ცხოვრებისთვის ახალი საზრისის მინიჭებაში.

თქვენ მფარველობთ ობოლ და უდემამო ბავშვებს, ზრუნავთ მათ აღზრდასა და განათლებაზე, ზრუნავთ საქართველოს დემოგრაფიაზე.

თქვენს დამსახურებების ჩამონათვალს არა აქვს სასრული და ეს არის ნიმუში ნამდვილი მოღვაწეობის!

მე მიმარწმნია, რომ ჩვენი ეპოქის უდიდესი პიროვნება ბრძანდებით და ბედნიერი ვარ, რომ თქვენი მმართველობის ხანაში, მაქვს პატივი, ვიყო საქართველოს პრეზიდენტი.

გილოცავთ დღევანდელ დღეს და თქვენს დღეგრძელობას ვუსურვებ სრულიად საქართველოს“, — აღნიშნა საქართველოს პრეზიდენტმა.

ლონისძიებებს ესწრებოდნენ კათოლიკოს-პატრიარქის ტახტის მოსაყდრე მეუღლე შიო, საქართველოს პარლამენტის თავმჯდომარე და მონვეული სტუმრები.



# პრემიერი საპარტიოანად გვაფრთხილებს, რომ ჯანდაცვის სისტემის რესურსი ამოუწურავი არ არის!

პრობლემები არ გვაქვს, ეს არ ნიშნავს იმას, რომ ჯანდაცვის სისტემის რესურსი არის შეუზღუდავი. ყველას კარგად უნდა ავუსხსნათ, რომ ნებისმიერ რესურსს და პირველ რიგში, ჯანდაცვის სისტემის რესურსს აქვს თავისი შეზღუდვები, რომელიც უნდა გავითვალისწინოთ. შეზღუდვებს რომ თავი ავარიდოთ, უნდა დავიცვათ ელემენტარული მოთხოვნები — პირბადე, დისტანცია, ჰიგიენის ნორმები და სხვა. უნდა ავამოწიოთ ადამიანებზე ზრუნვა, განსაკუთრებით აჭარაში. ჩვენ არ ვამბობთ არავისთვის, რომ დარჩით სახლში, მაგრამ სანდაზმულ ადამიანებს რომ ვუთხრაოთ, რომ დარჩით სახლში, ახლა არის სწორი მომენტი ამისთვის“, — განაცხადა პრემიერმა.

ამასთან, როგორც მან უწყებათაშორისი საკოორდინაციო საბჭოს სხდომაზე თქვა, მიუხედავად იმისა, რომ ვირუს-

სის დაწყებიდან დაახლოებით მ თვე გავიდა, თანამედროვე მსოფლიომ ახალი ვერაფერი შემოგვთავაზა ვირუსის წინააღმდეგ ბრძოლაში. ისევ პირბადე, ისევ დისტანცია, ისევ დიდი რაოდენობის არასაჭირო სოციალური თავშეყრებისგან თავის არიდება და ა.შ.

— ჩვენ როცა ვამბობთ, რომ ადაპტაციის და მართვის ეტაპზე ვართ, პირველ რიგში უნდა დავიცვათ ეს წესები. კიდევ ერთხელ საზგასმით მინდა, გითხრაოთ, რომ არავის ეგონოს, რომ ჯანდაცვის სისტემის რესურსი ამოუწურავია. არ არის ასე, ჯანდაცვის სისტემის რესურსი ამოწურავია და ეს არის ყველაზე დიდი რისკი. ის წარმატება, რომელიც ჩვენ პირველი ტალღისას და პირველ ეტაპზე გვქონდა რომ გავიმეოროთ და აუცილებლად უნდა გავიმეოროთ, ამისთვის საჭიროა, რომ ამ სამმა კომპონენტმა

იმუშაოს ერთად — მოქალაქემ, სახელმწიფომ და დანესებულებებმა, ყველას ჰქონდეს გადანაწილებული შესაბამისი პასუხისმგებლობა და ყველა პასუხისმგებლობით მოეციდოს ამას, იმიტომ, რომ ახლა რასაც ვხედავთ, ინფიცირებულების რაოდენობა მსოფლიოში კიდევ უფრო გაიზრდება და, როგორც ჩანს, კიდევ უფრო სწრაფი ტემპებით, თუმცა ეს არ ნიშნავს იმას, რომ ჩვენ ახლა დაუფიქრებლად რაღაც შეზღუდვები უნდა შემოვიღოთ. ამას არ ვამბობთ, ასეთი აუცილებლობა არ არსებობს, ასეთი საჭიროებაც არ არსებობს, ვმართავთ და ყველაფერი უნდა გავაკეთოთ, რომ ეფექტური მართვის ის შედეგები, რომლებიც ჩვენ აქამდე გვქონდა, ეს უნდა გავაგრძელოთ და კიდევ უფრო მეტ ეფექტიანობაზე უნდა ვიფიქროთ, — განაცხადა პრემიერმა.

# „ჩვენ ავაშენებთ ყველაზე სანიმუშო და ღირსეულ ქალაქს!“

მასხათას მთაზე „ჯარის ქალაქის“ მშენებლობა დაიწყო. გუშინ ადგილზე სიმბოლური კაფსულა ჩადეს, ლონისძიებაში თავდაცვის მინისტრთან ერთად ის სამხედროები და მათი ოჯახის წევრები მონაწილეობდნენ, ვინც „არმი სითის“ მცხოვრები უნდა გახდეს. პროექტის მიხედვით, მშენებლობა 2022 წლის ბოლოს დასრულდება. მასხათას მთაზე 7-სართულიანი 39 კორპუსი უნდა აშენდეს. სამხედროები 1092 ბინის შექმნას თეთრი კარკასის სახით შედგავთიანი პირობებით შეძლებენ.

თავდაცვის მინისტრის თქმით, „ჯარის ქალაქის“ მშენებლობა წელიწად-ნახევარში დასრულდება.





# თბილისის იკორპორეი ცენტრალურ პარკად განაღობება



## ცენტრალური პარკი

„დღეს ჩვენი დედაქალაქისთვის უმნიშვნელოვანესი დღეა“, – განაცხადა გუშინ კახა კალაძემ ბიძინა ივანიშვილის მადლობა გადაუხადა...

ბიძინა ივანიშვილისა და „ქართუ ფონდის“ საკუთრებაში არსებული იკორპორეი სრულიად უსასყიდლოდ დედაქალაქს გადაეცემა და აღნიშნულ ტერიტორიაზე თანამედროვე პარკი გაშენდება. პარკის პროექტზე ჰოლანდიური კომპანია მუშაობს და მშენებლობა რამდენიმე ათეული მილიონი დაჯდება. დედაქალაქის მერის განმარტებით, პროექტის განხორციელებას დაახლოებით 3 წელი დასჭირდება.

დღევანდელი დღე თითოეული თბილისელისთვის, იმ ადამიანისთვის, რომელმაც იცის, იკორპორეის ტერიტორიასთან დაკავშირებული ისტორია და პირადად ჩემთვის ნამდვილად განსაკუთრებულია. იკორპორეის ტერიტორიის გადარჩენაში ფასდაუდებელია ფონდ „ქართუსა“ და პირადად ბიძინა ივანიშვილის წვლილი, რომელმაც აღნიშნული სივრცე გამოისყიდა, დღეს კი სრულიად უსასყიდლოდ, ქართველ ხალხს, თბილისსა და თბილისელებს გადასცემს. ამ მართლაც საშვილიშვილო საქმისა და მომავალი თა-

ობების წინაშე განეული ღვაწლისთვის მსურს, პირადად მადლობა გადავუხადო ბიძინა ივანიშვილს, მის ოჯახს ამ მნიშვნელოვანი საქმისთვის, სადაც გაკეთდება თანამედროვე უნიკალური პარკი, რომელიც აუცილებლად იქცევა თბილისელების უსაყვარლეს ადგილად. ეს იქნება ერთ-ერთი ყველაზე მასშტაბური და მნიშვნელოვანი პროექტი ჩვენი ქალაქისთვის, რომლითაც ყველა, ამ მცხოვრები ადამიანი და ჩამოსული სტუმარი იამაყებს“, – განაცხადა კალაძემ.

ნიკოლოზ ჩხეტიანი: ბიძინა ივანიშვილისა და მისი ოჯახის გადამწყვეტილებით, ყოფილი იკორპორეის ტერიტორია საჩუქრად გადაეცემა მუნიციპალიტეტს, ფონდი „ქართუ“ ამ ტერიტორიაზე მოახდინებს მულტიფუნქციურ სარეკრეაციო ზონას.

– ყველასთვის ცნობილია, რომ ფონდი „ქართუ“ არის ყველაზე ძველი და ყველაზე მსხვილი საქველმოქმედო ორგანიზაცია საქართველოში. 25 წლის განმავლობაში ფონდს განხორციელებული აქვს სამილიარდ დოლარზე მეტი ოდენობის საქველმოქმედო პროექტი საქართველოში და ჩვენმა პროექტებმა მოიცვა ფაქტობრივად ყველა სფერო. ჩვენი მხრიდან განსაკუთრებული ყურადღება ექცევა გარემოს დაცვას. ამ მხრივ ჩვენ განხორციელებული გვაქვს ძალიან ბევრი პროექტი. წლების განმავლობაში ვზრუნავდით თბილისისა და ბათუმის ბოტანიკურ ბაღებზე. აღდგენილი გვაქვს ჩვენი დაცული ტერიტორიების, ნაკრძალებისა და ეროვნული პარკების ინფრასტრუქტურა.

ფონდ „ქართუს“ გამგეობის თავმჯდომარე ასევე აღნიშნა, რომ ცოტა ხნის წინ დასრულდა დენდროლოგიური პარკი შეკვეთილში, რაც, მისი თქმით, უნიკალურ პროექტს წარმოადგენს.

„როგორც მოგვსენებთ, თბილისში მიმდინარეობს ურბანული ტყის აღდგენის პროექტი, რომელიც მოიცავს მთაწმინდის ფერდობსა და სხვა მიმდებარე ტერიტორიებს, რაც ძალიან მაღე თბილისს გაუჩენს 700 ჰექტარი მოცულობის უნიკალურ ურბანულ ტყეს. დღეს

კი ჩვენ აქ შევიკრიბეთ, რათა დავაანონსოთ უნიკალური პროექტი, რომლის ფარგლებშიც თბილისში გაჩნდება ახალი სარეკრეაციო სივრცე – თბილისის ცენტრალური პარკი. ბიძინა ივანიშვილისა და მისი ოჯახის გადამწყვეტილებით, ყოფილი იკორპორეის ტერიტორია საჩუქრად, უსასყიდლოდ გადაეცემა თბილისის მუნიციპალიტეტს და რაც მთავარია, ფონდი „ქართუ“ იღებს თავის თავზე ვალდებულებას, რომ უახლოეს პერიოდში მოახდინოს ამ ტერიტორიაზე ახალი მულტიფუნქციური სარეკრეაციო ზონა – თბილისის ცენტრალური პარკი. ყველანი ვთანხმდებით იმაზე, რომ თბილისის ჰაერით სჭირდება ახალი სარეკრეაციო ზონები. თბილისს ამ მხრივ უჭირს. გაიზარდა თბილისის მოსახლეობა. ეს პარკი მისცემს შესაძლებლობას ყველა მოქალაქეს, როგორც თბილისელს, ასევე ჩამოსულ სტუმარს, რომ დაისვენოს და დატყვოს თბილისის ბუნებით. თბილისი ჩვენი სახლია და ჩვენ ყველანი ერთად უნდა ვზრუნავდეთ მასზე“, – განაცხადა ნიკოლოზ ჩხეტიანმა.

# ქართველ ხალხს ბიძინა ივანიშვილის ქველობას და სიკეთეს ვერავინ დაავიწყებს! საიდან ახალი იდეა?

„ნიკაივანიშვილი“ სიტყვა „იდეა“ (ბერძნ.) ნიშნავს „საუცხოველ კონცეპციას, რომელიც ადამიანის გონებაში წარმოიქმნება ფიქრის შედეგად“.

მეტად საყურადღებოა, ვის გონებაში და ვისი ფიქრის შედეგად წარმოიშვა ეს „არაჩვეულებრივი“ იდეა, რომ საქართველოს ისტორიაში ყველაზე დიდ ქველმოქმედს და ხალხში ყველაზე პოპულარულ პოლიტიკოსს, რომელმაც უკვე თქვა თავისი წონიანი ქმედითი სიტყვა ქვეყნის ისტორიაში, მას გამოუცხადო წესების გარეშე ბრძოლა, დაიწყო მისი სახელის გატეხვა და ეცადო, აურიო ქართველ ხალხს გონება და მხოლოდ იმიტომ, რომ ქვეყნის პარლამენტში მოხვდებოდა. ნუთუ არავინ არ იყო უფრო ჭკვიანი ოპოზიციაში, ხალხისთვის მიენდობინა რაღაც უფრო ახალი, იდეოლოგიურად გამართული საარჩევნო პროგრამა და ეცადა, ასეთ ადამიანს პირადად არ შეეხებოდა. ნუთუ ოპოზიციის ლიდერებმა ვერ დაინახეს და არ შერცხვათ, რომ ივანიშვილის პარტიის დამარცხებას არჩევნებში თურმე, სულ ცოტა 30 ოპოზიციური პოლიტიკური პარტიის გაერთიანება სჭირდება და მერე აღმოჩნდება, რომ თურმე ესეც არ შეეძლებოდა, რაც ქვეყანაში მხოლოდ არეულობის და ქაოსის მომტანი იქნებოდა.

თავის მხრივ, ასეთი დაბალპროცენტული პარტიების კოალიცია (ბლოკი) მიუთითებს იმაზე, რომ არცერთ ამ პარტიას ცალკე საკმარისი რესურსი არ გააჩნია, რომ რაღაც სახის წინააღმდეგობა გაუწიოს მმართველ პარტიას არჩევნების დროს, ხოლო ასეთი დაბალპროცენტული პარტიების მიერ ჩამოყალიბებული კოალიციური მთავრობა, რაღაც ამორფული წარმონაქმნი იქნება, რომელსაც არავითარი პოლიტიკური ფასი არა აქვს და ქვეყნისათვის ყოველმხრივ საზიანოა.

ქვეყანაში საარჩევნო კამპანიის დროს ივანიშვილის წინააღმდეგ მიმართული აგრესიული კრიტიკა საღ აზრს არის მოკლებული, რაც მთავარია, ხალხს არ ესმის, ვერ გააგებინეს, რა დააშავა, რა გააფუჭა ამ კაცმა, რომ მის წინააღმდეგ ასე აიფოფრნენ ეს პარტიები (თუ მრავალპარტიული პარლამენტი უნდა, ვინ უშლის ხელს)?!. პასუხი ერთია: მათ იციან, რომ, სანამ ეს კაცი იქნება, გინდა ფორმალური, გინდა არაფორმალური მმართველი და ამ პარტიის ლიდერი, ისინი ვერასდროს ვერც ცალ-ცალკე და ვერც ერთად გა-



ერთიანებული ვერასდროს ვერ მოვლენ ხელისუფლებაში, ხოლო ქვეყნის ბედი მათ ნამდვილად არ აგულისყურებთ, რაზედაც ისინი ასე გულმხურვალედ ლაპარაკობენ. ეს ამოცანა ქართველმა ხალხმა დიდი ხანია ამოხსნა, ამიტომ ოპოზიცია, სანამ სიმართლის თქმას და პოლიტიკური ბრძოლის სწორ წესებს არ ისწავლის, მარტო პოლიტიკური პარტიების არითმეტიკული გაერთიანება კი არა, სხვა მეზობელი ქვეყნების „პარტიებიც“, რომ დაიხმარონ, თუგინდ „დიდი უკრაინელოგიც“ რომ მოიწვიონ, ამ საქმეს ვერ მოერევიან, რამდენადაც ეს იდეა ივანიშვილთან დაკავშირებით ხალხის თვალში თავიდანვე არასწორი იყო, და იმ ადამიანების ნაფიქრალია, ვისაც ქვეყნის ბედი კი არა, თავისი ვინაო ეგოისტური და პათოლოგიური შური და შურისძიება ამოძრავებს.

პოლიტიკური პარტია-ორგანიზაცია, რომელიც შექმნილია სახელმწიფოს პოლიტიკური ძალაუფლების მოსაპოვებლად არჩევნების გზით, როგორც წესი,

მიზნად ისახავს ხელისუფლებაში მოსვლას და საკუთარი სამოქმედო პროგრამის განხორციელებას. თანამედროვე დასავლურ დემოკრატიებში საარჩევნო ბრძოლა, ჩვეულებრივ, პოლიტიკურ პარტიებს შორის შეჯიბრის სახეს იღებს. პოლიტიკური პარტიები, როგორც ცნობილია, პირობითად იყოფა ოთხ კატეგორიად: საარჩევნო პარტიები, მუდმივმოქმედი პარტიები, ლიდერების პარტიები, იდეოლოგიური პარტიები. „ქართული ოცნება-დემოკრატიული საქართველო“ თავის შინაარსით უფრო განეკუთვნება ლიდერ(ებ)ის პარტიას, რომელიც მორგებულია კონკრეტულ პირობებზე, ლიდერზე და მისი პიროვნული ავტორიტეტი, ქარიზმა, ორატორული უნარი და საზოგადოებრივი ადგილი განსაზღვრავს პარტიის რეიტინგს.

ამიტომაც არჩევნების დროს პარტიების კონკურენტულ ბრძოლაში ასეთი ლიდერი სშირად ოპოზიციის თავდასხმის საგანი ხდება. უფრო მეტიც, ბ-ნი ბიძინა ივანიშვილის სახელის გატეხის მიზნით ოპოზიციამ ქვეყანაში ცალკე ტელევიზიები შეიძინა და აწარმოებდა მის წინააღმდეგ ხანგრძლივ, აღვირახსნილ პროპაგანდას, ხშირად ცინიკურს და პიროვნების შეურაცხმყოფელს და, მიუხედავად ყოველივე ამისა, ხალხში მის რეიტინგზე ვერავითარი უარყოფითი გავლენა ვერ მოახდინა.

რადგან მისმა ოპოზიციონერმა ოპონენტებმა ერთი მნიშვნელოვანი ფაქტი ვერ ან არ გაითვალისწინეს, რომ ასეთი უზნეო სტრატეგია ამ პიროვნების მიმართ, რომელსაც იგი ნამდვილად არ იმსახურებდა, ხალხის უმეტესობაში უარყოფით, უკუარაქციას იწვევდა, თუნდაც იმიტომ, რომ ივანიშვილს ამ ქვეყნისთვის კარგის მეტი არაფერი არ გაუყუებია, ხოლო მის პიროვნულ ავტორიტეტთან ერთად, მის მიერ მრავალი წლის განმავლობაში ქვეყანაში განხორციელებული ქველმოქმედება და მასშტაბური ყოველმხრივ უანგარო დახმარება (რომლის ჩამოთვლა შორს წაგვიყვანს), ქართველ ხალხს არ დაავიწყდა და სათანადოდ აფასებს.



ბონდო ძოგულია, მედიცინის მეცნიერებათა დოქტორი, პროფესორი.



# საქართველოდან 70 კმ-ში სომხეთის ატომური ელექტროსადგურის დაბომბვის საფრთხე რეალურია, მინგეჩაურის უკვე დაბომბილია!



# SOS!

აზერბაიჯანის მხრიდან სომხეთის ატომური ელექტროსადგურის დაბომბვის საფრთხე რეალურია. ატომური ელექტროსადგური საქართველოდან სულ რაღაც 70 კილომეტრშია, — აცხადებს სამხედრო-ანალიტიკური ჟურნალ „არსენალის“ მთავარი რედაქტორი ირაქლი ალადაშვილი.

უფრო მეტიც, ალადაშვილის თქმით, შორსმოქმედი სარაკეტო სისტემების მართვის ცენტრები ხშირად გამოდიან მწყობრიდან და ადვილი შესაძლებელია, სომხეთისკენ გასროლილი რაკეტა საბრძოლველ ტერიტორიაზე ჩამოვარდეს.

სამხედრო ექსპერტის განცხადებით, მუქარა ატომური ელექტროსადგურის დაბომბვის შესახებ, აზერბაიჯანის გენერლის მხრიდან, სომხეთის მისამართით ჯერ კიდევ ივლისში გაუფრდა, ხოლო ამ მუქარის რეალობად ქცევის შემთხვევაში, ზარალი სომხეთთან ერთად საქართველოსა და თურქეთსაც მიადგება, აზერბაიჯანს — ნაკლებად, რადგან ატომური ელექტროსადგური მისი ტერიტორიიდან მოშორებით არის.

„აზერბაიჯანელი გენერლის მხრიდან სომხ გენერალთან პაექრობისას ივლისში გავრცელდა ასეთი მუქარა: თუ დაგვიბომბავთ მინგეჩაურის წყალსაცავს, სამაგიეროდ, ჩვენ დაგვიბომბავთ მენამორის ატომურ ელექტროსადგურს.“

როდ, ჩვენ დაგვიბომბავთ მენამორის ატომურ ელექტროსადგურს.

საფრთხე არის! მინგეჩაურის წყალსაცავი, სადაც მდებარეობს შიდროელექტროსადგური, უკვე დაბომბილია და გამორიცხული არაა, რომ აზერბაიჯანმა საბასუსო სარაკეტო დარტყმები განახორციელოს უშუალოდ სომხეთის ტერიტორიაზე.

თუმცა, ღმერთმა ნუ ქნას, რომ მოვლენები ასე განვითარდეს. ეს მუქარის განხორციელების შემთხვევაში, არა მარტო სომხეთს, არამედ მეზობელ საქართველოსა და თურქეთსაც, დიდი პრობლემები გაუჩნდება რადიაციისთან დაკავშირებით.

როგორც სამხედრო საკითხების მიმომხილველი აღწერს, მინგეჩაურის ტერიტორიის დაბომბვამდე მოვლენები ამგვარად განვითარდა:

4 ოქტომბრის დილას დაიბომბა აზერბაიჯანის სიდიდით მეორე ქალაქი, განჯა, სადაც აფეთქდა „სმერჩის“ ტიპის 7 რაკეტა. სომხეთმა უარყო, რომ მისი ტერიტორიიდან მოხდა რაკეტების გაშვება. სამაგიეროდ, არალიარებული ყარაბაღის ე.წ. პრეზიდენტმა დაადასტურა, რომ მისი ბრძანებით იქნა რაკეტები გაშვებული განჯას მიმართულებით.

ამ დროს აზერბაიჯანი, თავის მხრივ, ბომბავდა სტეფანაკერტს. ამის შემდეგ უკვე 5 ოქტომბერს, გამთენიისას, მინგეჩაურის წყალსაცავთან ელექტროსადგურის სიახლოვეს ჩამოვარდა „სმერჩის“ ტიპის 3 რაკეტა, ერთი აფეთქდა და 2 არ აფეთქდა, 5 ადამიანი დაიჭრა.

გარდა ამისა, მოხდა 2 ბალისტიკური რაკეტის გაშვება, რომელთა მოქმედების რადიუსი 300 კილომეტრია, მათგან ერთი ჩამოვარდა ერთ-ერთ აზერბაიჯანულ ქალაქში, მეორე უშუალოდ ბაქოს გარეუბანში. სომხეთი უარყოფს, რომ ეს რაკეტები მისი ტერიტორიიდან იყო გაშვებული.

„ეს შეიძლება, ასეცაა და ეს რაკეტები გაშვებულია არა სომხეთის ტერიტორიიდან, არამედ არალიარებული ყარაბაღის ტერიტორიიდან, თუმცა მთიანი ყარაბაღის სამხედრო ძალებს ამ ტიპის შემთხვევაში უარყოფს.“

იარაღება არც არასდროს შექონიათ. სამაგიეროდ, სომხეთში, ერევანში გამართულ არაერთ სამხედრო ალღუმზე სომხეთის არმია ახდენდა ამ სარაკეტო დაზარალების დემონსტრირებას, — განმარტავს ალადაშვილი.

სამხედრო ანალიტიკოსი არ გამოირიცხავს, რომ სიტუაციის ესკალაცია სომხეთს საერთაშორისო თანამეგობრობის მხრიდან ქმედითი დახმარების მისაღებად სჭირდება.

„ამ ფაქტების გათვალისწინებით, გამოითქვა ვარაუდი, რომ სომხეთი ცდილობს, რომ აზერბაიჯანს საბასუსო სარაკეტო დარტყმა მიაციენებინოს, უშუალოდ სომხეთის ტერიტორიაზე, რათა შემდგომ რუსეთს და მინსკის ჯგუფის წევრ ქვეყნებს მოსთხოვს, რომ სამხედრო-პოლიტიკური დახმარება აღმოუჩინონ“, — აცხადებს ალადაშვილი. მთიან ყარაბაღში შეიარაღებული კონფლიქტი 27 სექტემბერს განახლდა და ამ დრომდე ინტენსიურად მიმდინარეობს.

ირინა ვაპარიძე

## „ჩვენი სამხედროები სომხ ჯარისკაცებს კალაუბრით მიპრაკებინან“...

ილჰამ ალიევიმ ყარაბაღში მიმდინარე საბრძოლო შეტაკებებთან დაკავშირებით საკუთარი მოსახლეობისათვის ვიდეომიმართვა გაავრცელა. იგი აცხადებს, რომ აზერბაიჯანული არმია არ აპირებს, უარი თქვას საკუთარი ტერიტორიის დაბრუნებაზე.

ალიევის თქმით, ფაშინიანი ყოველდღე ურეკავს მსოფლიოს წამყვანი სახელმწიფოების ლიდერებს და დახმარებას სთხოვს. მან დარწმუნებით ისაუბრა იმ ფაქტზე, რომ ყარაბაღში მიმდინარე საბრძოლო მოქმედებები სომხეთის პრემიერ-მინისტრის პროვოკაციული ქმედების გამოხატულებაა.

„არ დარწმუნდით, რომ სომხეთისთვის ფაშინიანი არ დაერეკოს, ყველას აგენტებს უგზავნის, ვეფრება და მუხლებზე უჩოქებს. მისი ყოველი ნაბიჯი პროვოკაციული იყო. მისი ყოველი ნაბიჯი შეურაცხყოფა იყო და რა გგონია, ამას შევგუბებით? ახლა ჩვენ ვაჩვენებთ მათ, ვინ ვინ არის. ჩვენ მათ ძალღებობით ვაჩვენებთ! აზერბაიჯანელი სამხედროები მათ ძალღებობით მიერეკებინან! აზერბაიჯანის დროშა ოკუპირებულ ტერიტორიაზე ფრიალებს! მათი სამხედრო

პოსტები ჩვენი დაქვემდებარების ქვეშაა! ჩვენ მათ იარაღებსა და ტანკებს დავუფლავთ!“ — განაცხადა ილჰამ ალიევიმ

აზერბაიჯანის პრეზიდენტ ილჰამ ალიევის განცხადებით, აზერბაიჯანის არმია ჯერბაილის რაიონში ცხრა სოფელზე დაამყარა კონტროლი.

მოსახლეობისადმი მიმართვისას აზერბაიჯანის პრეზიდენტმა თქვა, რომ ამჟამად ახალი ისტორია იწერება, რადგან ისტორიული სამართლიანობის პროცესის აღდგენა ხდება. „ამ რეგიონებს ცხოვრება დაუბრუნდება. აღდგება ჩვენი დასახლებების ისტორიული სახელები“, — განაცხადა აზერბაიჯანის პრეზიდენტმა.

## ფაშინიანი რუსეთის იმპერატორს

სომხეთის პრემიერ-მინისტრი დარწმუნებულია, რომ საქართველოს შემთხვევაში, რუსეთი სომხეთს უსაფრთხოების უზრუნველყოფაში დაეხმარება. ვრცელი ინტერვიუ ნიკოლ ფაშინიანმა გერმანულ გამოცემა Bild-ს მისცა.

„რუსეთს სომხეთში 102-ე სამხედრო ბაზა ჰყავს განთავსებული. ჩვენ გვაქვს ჰაერსაინააღმდეგო თავდაცვის ერთიანი სისტემა. ამ სისტემასთან დაკავშირებით არსებობს შეთანხმება, რომელშიც განერილია, რა შემთხვევაშია საჭირო მისი გამოყენება. ვიმედოვნებ, რომ რუსეთი შეასრულებს ამ ხელშეკრულებით აღებული ვალდებულებას, თუ ამის საჭიროება იქნება“, — აღნიშნა ფაშინიანმა.

## ინს სტოლტენბერგმა და მეკლუტი ჩაპუპოლუმა მთიანი ყარაბაღის კონფლიქტის საკითხი განიხილეს

ნატოს გენერალური მდივანი ინს სტოლტენბერგი მთიანი ყარაბაღის კონფლიქტის მხარეებს საბრძოლო მოქმედებების დაწყებამდე შეწყვეტისკენ მოუწოდებს, — ამის შესახებ ინს სტოლტენბერგმა ანკარაში, თურქეთის საგარეო საქმეთა მინისტრ მეკლუტი ჩაპუპოლლუსთან ერთობლივ პრესკონფერენციაზე განაცხადა.



სტოლტენბერგის თქმით, ნატო შემფოთებულია მთიან ყარაბაღსა და მის გარშემო მიმდინარე მოვლენების გამო. ნატო-ს გენერალურმა მდივანმა რეგიონში მნიშვნელოვან ენერგეტიკულ და სხვა ინფრასტრუქტურის უსაფრთხოებასთან დაკავშირებით აღნიშნა, რომ ეს არის შემფოთების ერთ-ერთი მიზეზი კონფლიქტის ესკალაციის დროს.

„ჩვენ უკიდურესად შემფოთებული ვართ მთიან ყარაბაღში და მის გარშემო სიტუაციის გამო. ყურადღებით ვაკვირდებით მოვლენებს. რა თქმა უნდა, შემფოთებული ვართ, როდესაც საომარი მოქმედებების ესკალაციას, მეტ საბრძოლო მოქმედებებსა და ძალადობას ვხედავთ. ჩვენ ყველა ვიღებთ ცნობებს მსხვერპლის გარდაღობის შესახებ, მათ შორის სამოქალაქო მოსახლეობას შორის.“

რა თქმა უნდა, ყველა საბრძოლო მოქმედება წარმოადგენს რისკს მნიშვნელოვანი ინფრასტრუქტურისთვის. ამიტომ, როდესაც თქვენ მეკითხებით, კრიტიკული ენერგეტიკული ინფრასტრუქტურის შესახებ, ეს არის ძალადობრივ კონფლიქტთან დაკავშირებული ერთ-ერთი მიზეზი, რომელიც ჩვენს შემფოთებას იწვევს. უკიდურესად მნიშვნელოვანია, გადავცეთ ძალიან მკაფიო გზავნილი ყველა ჩართულ მხარეს, რომ მათ დაუყოვნებლივ უნდა შეწყვიტონ საბრძოლო მოქმედებები, რათა მხარი დაუჭიროთ მშვიდობიანი დარეგულირებისკენ მიმართულ ყველა ძალისხმევას, რადგან მთიან ყარაბაღსა და მის გარშემო სიტუაციის დარეგულირების სამხედრო გზა არ არსებობს. სწორედ ეს იყო ჩემი გზავნილი მას შემდეგ, რაც საბრძოლო მოქმედებები დაიწყო, რადგან ეს საშიშია კონფლიქტში ჩართული ყველა ადამიანისთვის, ასევე შემფოთებულია მთელი რეგიონისთვის და ნატოს ყველა მოკავშირისთვის“, — განაცხადა ინს სტოლტენბერგმა.







ავთანდილ არაბული:

კორონამ ქართველს  
სამუშაო ბაზსენა

ალბათ, გვირს პირადად განუცდია ასეთი რამ (თუ – არა, წარმოიდგინე მანინი): თავაწყვილი მასობრივი ცეკვის დროს მოულოდნელად მუსიკა რომ გაიკრთება და მოცეკვავთაგან ზოგი მხისიერად ჩარდება რაღაც წარტილში, ზოგი კი ინერციით კიდევ აკეთებს რაღაც მითითებებს... რაც მთავარია, თითოეული მონაწილე ერთი ბავშვობით აღიშვას თავისი ფიზიკური (და – ფსიქიკური) მდგომარეობის აბსურდულუბას. მაგრამ ვხად არის, მეორე წაშვებ მივცხვ იმავი თავდავიწყებას...

აი, ასე: თითქოს განგებამ ერთი მკაცრი ჟესტით შეგვაჩერა ეპოქის მძაფრ რიტმს გამოზომული კაცობრიობა და ეჭვისა და შიშის ჩრდილი ნისლივით დააფინა ჩვენს გზადავარგულ გონებას...

ერთმა მან იცის, რა გაგრძელება ექნება ამ ამბავს.

ის კი ფაქტია, რომ თითოეული ჩვენგანი საკუთარი ფიქრის პირისპირ აღმოჩნდა, რაც „კორონაზე“ არანაკლები განსაცდელია დღევანდელი ბიურგერი-სა თუ ფილისტერისთვის.

რაც მთავარია, ყველა ჩვენგანი ცდილობს, თავისებურად გაიზაროს ეს უახლესი მისტერია – ფილოსოფიური თუ პრაგმატული პასუხი უპოვოს მას.

1947 წელს, მწერლის გარდაცვალების შემდეგ, გამოქვეყნდა ალბერ კამიუს რომანი „შავი ჭირი“, რომელიც სამართლიანად იქნა გაგებული როგორც ფაშისმიის ალეგორია (ამას განაპირობებდა მწერლის ბიოგრაფიის დეტალებიც).

ამ ნაწარმოების მოქმედება ვითარდება ალჟირის ქალაქ ორანში (მინიშნება მომეცნო ელემენტებისთვის: ორანი გურულად „ჭაჭანებას“ ნიშნავს!), რომელსაც შავი ჭირის ეპიდემია მოედება და ეს სენი და, რაც მთავარია, მისი თანმხლები შიში ხდება ტოტალური მმართველი იმ სოციალური და პიროვნული პროცესებისა (ინსტიტუტების გაღვივება, უიმედობის გაბატონება...), რომელიც ყველაზე მეტად ააშკარავებს ადამიანის ნამდვილ სახეს.

მაგრამ ეს საუბარი კამიუს მიერ შექმნილ მხატვრულ სინამდვილეზე სამსჯელოდ არ წამოგვიწვია. ამ შემთხვევაში ჩვენთვის არსებითია ის, რომ შავი ჭირის ეპიდემია აქ გარკვეული საზოგადოებრივი პროცესების ალგორითად არის წარმოდგენილი.

ასეა საკითხავია: **შეგვიძლია თუ არა, რეალური ეპიდემია (პანდემია) წარმოვსახოთ არსებული ეპიდემიური პროცესების ალგორითად?**

**დიახა, შეიძლება, თუ წარმოვიდგინებთ, რომ განვავაზ – უდიდესა რეჟისორმა – ჩვენთვის გაათავაზა კორონავირუსის პანდემია? როგორც გლობალიზაციის ალგორითად.**

**დიახ, ისე არავფერს ვხვდები ეს ტოტალური იღვასი დაავადება, რომლის ტყვეობაშიც ვართ – „მეგამის მსხვერპლს“!**


საკითხავია, რით ვგავს? იმით, რომ არ ცნობს საზღვრებს, სახელმწიფოებს, არ არჩევს სქესს, ასაკს, ცენუსს, მდგომარეობას, სარწმუნოებას, კულტურას...

და პირიქით – გლობალიზაციისავე მსგავსად: თითოეულ ამ საკაცობრიო „ნიშანს“ ურთიერთგანსხვავებული მდგომარეობა აღმოაჩნდა ამ განსაცდელის მიმართ.

კიდევ ერთი ანალოგია: ჩვენი სიცოცხლის მცველი ბრწყინვალე ექიმები შიგადაშიგ მწარე სიმართლეს გვეტყვიან ხოლმე. სწორედ ასეთი სიმართლე გავგვიმხილა ბატონმა თენგიზ ცერცვაძემ: კორონასთან დიდი ხნით კოჰაბიტაცია მოგვიწევს!

ეს კი იმას ნიშნავს, რომ უჩინარი თანამებრძოლი შემატებია ჩვენი ძველნი კოჰაბიტაციური ნებატივის – ნაცმოს, ჩვენ კი კიდევ ერთი მოუცილებელი ჭირი შეგვიქმნია.

გლობალიზაციის ზოგიერთი მოძულე (შინაგანად თუ თვალსიწინად) აშკარა ოპტიმიზმს გამოხატავს, რომ ეს პანდემია რადიკალურად შეცვლის მსოფლიო წესრიგს და სათავეს დაუდებს გლობალიზაციის საპირისპირო პროცესებს.



**ჩვენ რომ ოსნება ვიხით, ამ „ბროლის კოჰაბიტაციის“ თუნდაც ერთი პროცენტი რომ განსორცილდებოდეს!..**

ამ ილუზიას ვვებავს ის, რომ გლობალიზაციის საყრდენმა სტრუქტურებმა ამ ბრძოლაში სერიოზული კრახი განიცადეს... და მრავალგან გაღვივდა თუ გაძლიერდა აზრი, რომ სხვისი („კოლექტიური“) იმედით ყოფნა მცდარია და ყველამ საკუთარ თავს უნდა მიხედოს! არ დაიჯეროთ! – ეს ექსტრემალური ვითარების მოჩვენებითი აღქმაა, განწყობითი აბერაციაა, სასურველის რეალობად წარმოსახვაა.

სინამდვილეში მსოფლიო პანდემია კიდევ უფრო აძლიერებს გლობალიზაციას.

როგორ? **გლობალიზაციის უკვე ამჟამინდელი იარაღი, რომლის ბაჩინს დროიდან ყოველი ექსტრემალური გამომწვევა მსოფლიოდ მის (გლობალიზაციის) ნისძვილზე დაბასხავს წყალს.**

**ეს იარაღი არის ინტერნეტი.** პროცესები ზემოქმადვი გონებით განვითარდა:

გლობალიზაციამ სანყის ეტაპზე მოშალა ფიზიკური საზღვრები და ამ დროისთვის სამყარო პირობითად (თანაც – უპირობოდ!) გაიყო ორ „ბანაკად“ – ღია საზღვრების გაერთიანებად და დახურული საზღვრების სახელმწიფოებად. ამ ნიშნით „ომი“ დღემდე მიმდინარეობს...

მაგრამ მალევე – მეორე ეტაპზე – ტექნოლოგიურმა რევოლუციამ შექმნა უსაზღვრებო საინფორმაციო და კულ-

ტურული სივრცე, რამაც უკვე პირობითი გახადა თვით ფიზიკური (მათ შორის – ჩაკეტილი ქვეყნების) საზღვრებიც კი!

ამ დროისათვის ამ უკანასკნელმა სამყარომ სრულად აამოქმედა ერთადერთი (ყველაზე გამოცდილი) საპასუხო იარაღი – რელიგიური ფანატიზმი და ექსტრემიზმი...

კორონავირუსის პანდემიამ – გლობალიზაციის სასარგებლოდ – ეს უკანასკნელი ბასტიონიც კი მოარღვია (და უფრო მეტადაც მოარღვევს).

ამიტომაც ვამბობთ, რომ უკანასკნელი პანდემია კიდევ უფრო აძლიერებს გლობალიზაციას, რაკი მთლიანად გადავყავართ უსაზღვრებო ვირტუალურ ცხოვრებაში.

აქამდე იყო გლობალიზაცია ადამიანებით, რომელთა მასა, მასობრივი გადაადგილება (დროებითი თუ მიგრაციული) სერიოზულ პრობლემებს უქმნიდა თავად გლობალიზაციის პოლიტიკას.

**ახლა მივიღეთ გლობალიზაციის ადამიანების გარეშე, როდესაც სრულიად თავისუფალი ვართ, მაგრამ ობიექტურად შეზღუდული ვართ თავისუფალი ნების განხორციელების შესაძლებლობა. ამ საფარში თავისუფლება ადამიანთა დაკარგვა თავისუფალი მოქმედების (შემოქმედების) პოტენციალი...**

სხვათა შორის, ალბერ კამიუ იტყვის, რომ „ადამიანი დიდ უბედურებას ვერ ეთვისება, ამიტომ თავს ირწმუნებს, რომ უბედურება არარეალურია, ის ცუდი სიზმარია და ქარს გაჰყვება; მაგრამ ის ყოველთვის როდი ქრება; სამაგიეროდ, ამ სიზმრებში ქრებიან ადამიანები, უწინარესად – ჰუმანიტები!“

**იმდენად დიდი უბედურება კონკრეტული პანდემია კი არ არის, არამედ ის რეალური და ირეალური შედეგები, რომელთაც ის მეჭვიდრებად გვითვობს.**

ამ კრიზისიდან ჩვენ გამოვალთ უფრო მეტად (მაქსიმალურად) ინტერნეტ-დამოკიდებულნი, საკუთარ თავში, საკუთარ შიშებში ჩაკეტილნი, „ეგოს“ მწყემსნი და მსახურნი... უსაზღვრო (და – უსაზღვრებო) ვირტუალური, უკონტაქტო ცხოვრებით (ვირტუალური სამუშაო, ვირტუალური განათლება, ვირტუალური გართობა, ვირტუალური ტურიზმი, ვირტუალური გამრავლება...!) ზოგიერთი რამ ამათგან, კაცმა რომ თქვას, მისასაღებელიც კია (მაგალითად, ვირტუალური ტურიზმი). მერე მოგება? – იკითხავთ. პასუხი: არ გაიყიდება საგზური? – გაიყიდება ვირტუალური მომსახურება!..

ასე რომ, არ არსებობს მოვლენა, რომელსაც გლობალიზაცია თავის სასარგებლოდ არ გამოიყენებს!..

ამ გლობალურმა კრიზისმა რამდენიმე პოზიტიური ნიშანიც გამოაჩინა. კერძოდ:

1. გლობალიზაციის თეორიაშიც და პრაქტიკაშიც გამოკვეთილად ჩანდა, რომ ის ყველაზე უფრო ხელაღებითა და თანამედვერობით ებრძოდა ისტორიულ (ეროვნულ) სახელმწიფოებს... თუ რატომ, ვფიქრობთ, ამას ასხნა არ სჭირდება.

ნიშანდობლივია, რომ ეროვნული სახელმწიფოები ყველაზე უფრო მედეგნი და ქმედითნი აღმოჩნდნენ ახლანდელი პანდემიის გლობალურ გამოწვევასთან ბრძოლაში (ამის ერთ-ერთ საჩვენებელ ნიშნად წარმოჩნდა ჩვენი ქვეყანა, თავისი ადამიანური რესურსებით, თავისი მართალი სარწმუნოებითა და ეკლესიით). ეს, ერთი მხრივ, აშკარად წარმოაჩენს ეროვნული სახელმწიფოების იმუნურ გამძლეობას ეპიდემიურ მოვლენათა მიმართ, მეორე მხრივ კი – დამატებით არგუმენტია გლობალიზაციისა და პანდემიის ღრმა ურთიერთკავშირის სამტკიცებლად.

2. დიადი მომენტია, როდესაც ადამიანში ადამიანი იღვიძებს! სამწუხაროდ, კაცობრიობის ისტორია აჩვენებს, რომ ეს დიადი მომენტი დგება მხოლოდ ექსტრემალურ გამოცდათა ჟამს (ისიც – გამონაკლის, გამორჩეულ შემთხვევებში). ხოლო მიღწეული სოციალურ-კულტურული დონის დაქვეითების ჟამს ადამიანი ასევე სწრაფად უბრუნდება პრიმატის არასახარბიელო დონეს. ცივილიზაციის კულტურული ეტაპები მას ინარჩუნებს მაღალი ზოროგოგური არსებობის პირობებში, ოღონდ, როგორც ითქვას, ჭეშმარიტად ამალეებული საფეხური განსაკუთრებულ გამოცდათა შედეგად მიიღწევა (და მათ ისტორია საგანგებოდ აღწუხავს).

**უკანასკნელმა პანდემიამ აჩვენა, რომ აღამიანი – როგორც ღვთის შვილი – ჯერ კიდევ არსებობს, რომ ის ჯერ კიდევ არ ძეკუვალა გლობალიზაციის ტოტალურ კრიზისს!**

3. რაც მთავარია, ქართველი – ეს საუკუნეებგამოვლილი უნიკალური ფენომენი – კვლავაც ცოცხალია და სიცოცხლისუნარიანი. მას „უცხოებაში სიამის“ ჟამსაც გონიერ გულში შქონია შენახული სამშობლოს ხატი და მისი, როგორც მიტოვებული მშობლის, უძღურებით მოდენილი ცრემლი დღემდე წმინდად შეუწახავს. თუმცა ყოფა ასე პოეტურად არ მეტყველებს და აქაც და აქაც ის ჯერ კიდევ მრავალ ბარიერს შეეჯახება, მაგრამ არსებითია, რომ ამ განსაცდელმა გააქარწლა პირადად ჩემი ეჭვიც, რომ, თითქოს, ქართველმა ნოსტალგიის ნიჭი დაკარგა...

4. ადამიანს (ამაშიც უპირველესად ჩვენს ხალხს ვგულისხმობ) მწარედ გაასხენდა, რომ „ბუნება მბრძანებელია“ და ექსტრემალურად გამოფხილვებულმა სარბად ჩაისუნთქა, მართალია, ვირუსსაშიში, მაგრამ უჩვეულოდ გასუფთავებული ჰაერი... მან, როგორც მტანჯველ კოშმარში, დაჩლუნგებული გულისყურით იგრძნო მშობელი (ნალალატარი) მინის ძახილი და ცოდვილის სინანულით შეუდგა... ოცნების სოფლის შენებას...

ჩვენ რომ ოცნება ვიცით, ამ „ბროლის კოშკებიდან“ თუნდაც ერთი პროცენტი რომ განსორცილდებოდეს!..

იმავე გამაფრთხილებელ ინტონაციას დავუბრუნდეთ: ყოველივე ეს – სასიკეთო ნიშნებს ვგულისხმობთ – შექცევადია და უთუოდ გარდაუვალია, რომ, საშიშროების გაქრობისთანავე, კვლავ იერიანებს ის გამორთული საცეკვაო მუსიკა და ადამიანი დაუყოვნებლივ დაუბრუნდება კაცობრიული თვითგანადგურების რიტმს...

ვინძლო, ქართველი ამ დაბრუნებაშიც ტრადიციულად მოგვიანე აღმოჩნდეს!



– რა დროიდან იქცა ლიტერატურა თქვენი ცხოვრების უბიძგველი დაინტერესებელი?

– თითქმის ბავშვობიდან. მე ძალიან ადრე დაიწყო ჩენი და ბევრად. პირველი ლექსი, როგორც ზემოთ მოგახსენეთ, 1909 წელს დაეწერე, მაგრამ ჩემს პირად არქივში არის შენახული ჩემი დის, ევგენიას პატარა ალბომი, რომელშიც ჩამიწერია რაღაც პირობითი ლექსისებური ამონაკვეთი ილიას სიკვდილის გამო 1907 წელს. ე.ი. შეიძლება ჩლისას უკვე მიგრძნია ტკივილი წინამურის ტყვიისა. ერთი მხრივ, ეს განემოება არც გასაკვირია. მამაჩემი ნიკო ლეონიძე იყო ლიტერატორი, გაზეთ „ივერიის“ თანამშრომელი, მწერლობით გატაცებული. ავტორი პატარა მოთხრობებისა. „ივერიის“ გარდა, იგი წერდა „დროებაში“, ივანე კერესელიძის „სასოფლო გაზეთის“, „ცისკრის“ აქტიური თანამშრომელი იყო. ვერ მიპატივებია ჩემი თავისთვის, რომ მამის არქივს ვერ მოვუარე, სხვისი არქივების ჭირისუფალმა. ასე, მაგალითად, მე მახსოვს მამისადმი კერესელიძის 10-12 წერილი, უპატრონობით რომ დაიღუპა. ასევე მახსოვს ბაჩანას და იოსებ დავითაშვილის წერილები მამასთან. მამა ადრე გარდაიცვალა. ერთი წლისა ვიყავი. დარჩა მისი მშვენიერი მიბლიოთეკა. ეტყობა, ამ მიბლიოთეკად თავისი როლი ითამაშა ჩემს ცხოვრებაში, ისიც უნდა დავუბიძგო, რომ დედაჩემი დიდი მოყვარული იყო მწერლობისა, ისე, როგორც დედაჩემი მაიკო მათიაშვილი და ჩემი მამიდები – მარია და ტასო ლეონიძეები, რომლებიც პატარა-პატარას მწერლობდნენ. სამივეს პატარა შენიშვნები დაბეჭდილი აქვთ გაზეთ „ივერიის“ დედა მაიკოს დღიური გამოყენებული შტონია ერთ მოთხრობაში შიო არაგვისპირელს. მათ დიდი სიყვარული ჰქონდათ მწერლობისა. ამის ნიმუშად იმ ფაქტის მოყვანაც შეიძლება, რომ, როგორც ჩემს შობილებს, ისე ჩემს დედებს და მამიდებს, გაუღიათ თავიანთი მწერლობები ავადმყოფი ალექსანდრე ყაზბეგის სასარგებლოდ, რაც თავის დროზე გამოცხადებულა გაზეთ „ივერიის“.

ბიძაჩემი ალექსანდრე ლეონიძე ახლო მეგობარი იყო ჩვენი ცნობილი მწერლებისა და მათთან ახლო ურთიერთობა ჰქონდა. იგი წერდა ქართულ და რუსულ გაზეთებში, ხოლო ბიძები დედის მხრივ: ალექსი, შაქრო, ივანე მგლისაშვილები ცნობილი არიან თავიანთი მწერლობით. ალექსის არაერთი ნარკვევი და არქეოლოგიური გამოკვლევა დაბეჭდილია „დროებასა“ და „ივერიის“ სხვადასხვა მონაკვეთში, მან, როგორც დეკანოზმა, დამარხა ალექსანდრე ყაზბეგის დედა, ხოლო შაქრო ცნობილია როგორც ხალხოსანი ბელეტრისტი, ივანე – როგორც დრამატურგი. მისი პიესების წიგნი დაბეჭდილია 1895 წელს. რატომ გამიგონებდა სიტყვა? იმიტომ, რომ ჩემს ოჯახში, ჩემს ახლო ნათესავთა ოჯახებში, ჩემს გარემოცვაში სუფევდა ლიტერატურული ატმოსფერო და იქიდან, ალბათ, მეც გადავიღე მწერლობის სიყვარული, რომ ასე ადრე დაიწყო მწერლობა. ყოველ შემთხვევაში მე ასე ვფიქრობ.

– რა თავისებურება გახასიათებთ წერის დროს?

– ვწერ თითო უხაზო ქაღალდზე. ხაზიან ქაღალდზე ლექსის წერა არ შემიძლია, უმეტესად ვწერ კალმით, მოწაფის კალმით. ვერ ვიტან მწკრივ ალიზანის მელანს და ამ მელნით არც ერთი სტრიქონი არ დამიწერია. ფანქრით ვწერ იშვიათად, მხოლოდ ექსპრომტები თუ შექნება დაწერილი.

– რა მიგაჩნიათ მწერლის შრომისთვის კარგი პირობები?

– უპირველესად თავისუფლება, წერის დროს მყუდროება, საკუთარი ოთახი, კარგი გუნება და ასევე კარგი ქაღალდი.

– გაქვთ თუ არა რეჟიმით განსაზღვრული სამუშაო დრო და როდის წერთ?

– არავითარი რეჟიმი არ გამაჩნია, როცა განწყობაზე ვარ, მაშინ ვწერ. წერით უმეტესად დამით ვწერ, როცა მოცლილი ვარ საზოგადოებრივი და სამსახურის საქმიანობიდან. ჩემი მუშაობის საათებია უმეტესად დამის პირველიდან 4 საათამდე. ახალგაზრდობაში ბევრჯერ დამე გამითენებია, მაგრამ ახლა ექიმები მიშლიან და ვერიდები.

– განიცდით თუ არა თანაგრძნობას თქვენი მოთხრობების პერსონაჟების მიმართ და, კერძოდ, რომლებმაც დაიღუპა?

– მე შემთხვევით დავეწერე პატარა მოთხრობა-ნოველების წიგნი „ნატვის ხე“, მაგრამ, რაკი მეკითხებით, ამ მოთხრობის ყველა გმირი მიყვარს, განსაკუთრებით ღვინჯუა. ამ მოთხრობაში ჩემი ავტორნაყოფილი შტრიხებიც არის მოცემული.

– ხომ არ ფიქრობთ რომანის დაწერას და თუ ფიქრობთ, რა თემაზე?

– რომანს დიდი დრო უნდა, რაც მე არ გამაჩნია. „ნატვის ხის“ წერის დროს, რომელიც დავეწერე წყნეთის აივანზე ორ თვეში, აღზნებულმა დაიწყო რომანის წერაც. ორსამ ფორმაზე მეტი მაქვს დაწერილი, მაგრამ მერე თავი მივატევე. ჯერ იმისთვის, რომ არა მაქვს იმედი, გავუძლევ მას იმ დიდი მასშტაბით და პასუხისმგებლობით, რაც მე მქონდა განსაზღვრული. დრო, რომანს რომ დასტინდებოდა, მრავალ საზოგადოებრივ საქმიანობაში გართულს, არ მამბადა.

– თქვენი ლექსებიდან რომელი გიყვართ ყველაზე მეტად?

– ძნელია თქმა. უფრო კი სიჭაბუკის დროისა, რადგან, როგორც ერთ ადრინდელ ლექსში მაქვს ნათქვამი, „სიჭაბუკე და ლექსი ერთია, ერთ ჩუქურთმაში გამოყვანილი“.

– გაქვთ თუ არა გამოუქვეყნებელი ნაწარმოებები?


– მაქვს დაუბეჭდავი მრავალი ლირიკული ლექსი და ორი პოემა „ფიროსმანი“ და „შიო მღვიმელი“. ასევე გამოუქვეყნებელი, როგორც არის „ანთიმოზ ივერიელი“, ცნობილი ქართველი მოღვაწე რუმინეთში მე-17 საუკუნეში. ნაშრომი ცნობილი ჰომის „აღსდევ, გმირთ გმიროს“ შესახებ, ასევე „XVII საუკუნის ქართველი დიპლომატი პოლონეთში“ და ზოგი კიდევ სხვა რამ და აგრეთვე ჩემი მყენიერული მასალები „ნამსკვრევი“, რომლის ორი თავი ორი-სამი წლის წინათ დაიბეჭდა უფრო „მნათობში“...

როგორც რომ დიდად განსწავლულს, თავის სამეცნიერო ნაშრომთა წინაშე გოგლას სრული უფლება ჰქონდა, ხმამაღლა განემოთხრონა ერთი ძველთუძველესი წინაპრის ნათქვამი – „ფრიალი შრომა დამიცხა ამა წიგნთა ზედა“.

როცა საჭირო იყო, გოგლა უმალ ექმობებოდა, ესარჩლებოდა ამა თუ იმ ახალგაზრდა ავტორს. მეტადრე თუ ის ცხოვრების გარეობაში არ ტრიალებდა და ზემოთაღებებს არ აფრქვევდა გაუზრებლად. იმ წელს ახალი გამოცემული იყო ერთი ფრიალ თავდაუდებელი მშრომელი ავტორის აკაკი გელოვანის „მითოლოგიური ლექსიკონი“, რომელსაც წარსაბამო თავს ესხმოდნენ და განაქცევდნენ. ინსტიტუტში ერთ-ერთი გამოსვლისას გოგლა განსაკუთრებით შეჩერდა ამ ლექსიკონზე, ჯერ ეს ერთი, რა გინდათ, რას ერჩით, ამ სახის ლექსიკონებით განემოთხრონა არა ვართო, პირველი შემთხვევააო, მეორეც, ისეთი რედაქ-

კაპიტან გოგოშვილი

ჩემი ბიოგრაფიული ლექსიკონი, პინს ქართული ენის ნაყოფიერ სოდაბუნში, რბობის გულთმისანაბ გუთნისდაბა, მარადიული დალიანი ორნამი ბათიკა



ტორი ჰყავს ლევან სანიკიძე, იმას არაფერი არ შეეშლება. თანაც უამრავი ქართული მითოლოგიური მასალა შეტანილი. გოგლას ამ შეფასებამ პირდაპირ ფრთები შეასხა აკაკის. ასევე გოგლამ ერთ-ერთმა პირველმა შეამჩნია უთოდ კარგი პოეტი თამარ ერისთავი და შეუქო ბერნისის თარგმანები. მუდამი უპოვნია. „კაცი ვარ და ქუდი მხურავსო“, როგორია?! მე ახალგაზრდობისგან ძალიან ბევრს რასმე ვსწავლობო, იტყობა ხოლმე, მეტადრე ენასო, რამეთუ მწერალი უპირველეს ყოვლის დიხასეც ენააო. ვისაც ენა არ უვარავა, ესე იგი, ენას აუპატიურებს, მწერლობას ნუ იჩემებსო. მართო მინაარსით, ანუ სიუჟეტით კალამი უძლეულიაო. კალამი უწინარესად ენისთვის არის გაჩენილი, როგორც თოფი ნადირისთვის, თოხი მიწისთვის და ნამგალი ყანისთვის... და ჩამოაწალიკებდა ხოლმე თავის „მასწავლებელ“ ახალგაზრდებს: რევან ინანიშვილს, გოდერძი ჩოხელს, კარლო კობერიძეს, მერამ ელიოზიშვილს, სოლომონ დემურხანაშვილს, გიორგი ხორგუაშვილს, ნუგზარ შატაძეს. ამ უკანასკნელთა განსაკუთრებით ქართლის ცოდნას უქებდა, თავიანთ კუთხეს ასულდგმულევენო...

ერთხელ, „სამას“ წაკითხვის შემდეგ, დრმად ჩაფიქრებულმა გოგლამ ოდნავ თავის ქნევით, თითქოს ვილაყას რაღაც უჩვეულო სიხალისი, ნარუქის გამო ეთანხმებო, მუხრან მაჭავარიანზე თქვა, ამ ბიჭმა ჩვენი სამწერლო ოჯახის კარი შემოგლიჯაო და წინა რიგში მსხომთავან ჯახუნის ხმაზე ერთ-ერთი მსწრაფლ წამომდგარის თავისუფალი ჯამზე გაბეღულად დაჯდაო... გოგლას, მგონი, ოდესღაც მსგავსი შემთხვევის გამო ბერნარდ შოუს ნათქვამივით გამოუვიდა.

ჩემდა გასაკვირად, ბატონ გიორგის წაუკითხა ბორის გურგულიან ლექსები და ერთ-ერთი შეხვედრისას ბორისი შეუქო, თუ აფხაზურადაც ასე უღერს მავის ლექსი, ვე ახლავ კარგი პოეტი ყოფილა და ხვალ კიდევ ბევრად უკეთესი დადგებაო. გახარებულმა ბორისსაც ვახარე გოგლას ქება და ახალგაზრდა კაცისთვის გიორგი ლეონიძის შექება განა ცოტა რასმე ნიშნავდა?! მერე, ბორისის თხოვნით შევახვედრე კიდევ იგი და ბატონი გიორგი. კარგა ხანს ისაუბრეს. გოგლა მამა-შვილ გულიებზე ელაპარაკა, დიმიტრის ახლოს ვიცნობდიო, იმ დროიდან, როცა ჩვენს უნივერსიტეტში აფხაზურ ენას ასწავლიდაო. ქართული აფხაზურით იყოლა. კარგია, რომ შენც თბილისში სწავლობ და, ჩანს, ქართული აფხაზურით იყო. როგორც მწერალს, ნამდვილად ვაფასებ გიორგისაც (დიმიტრის შვილზე თქვა), მაგრამ მართალი გითხრა, არ მომწონს, რომ რუსულად წერს და რუსი მწერალი ჰქვიაო. მით უმეტეს, დიმიტრის შვილს აფხაზურ ენაზე უარი რატომ უნდა ეთქვაო?! ჩვენი სისხლბორცვილი სიხალეოვე იქიდანაც ნათლად ჩანს, რომ გულიები ქართველებიც არიან და აფხაზებიცო. ისევე როგორც გურგულიებიო... ილაპარაკეს აგრეთვე აზრს-

კილსა და ამირანზეც. ამ შეხვედრამ ნამდვილად ფრთები შეასხა ბორისს, რომელმაც მალევე გიორგი ლეონიძის რამდენიმე ლექსი („ყოჩაღის პაემანი“, „არ დიდარდო, დედაო“) გადააფხაზურა. თარგმნა აგრეთვე ჩემი „სვანური ბალადები“. იმ ზაფხულს ბორისმა რამდენიმე მეგობარი თავის სოფელში წავეყვინა სტუმრად. ამაყობდა, რომ ლასურის თანასოფელი ვარო. ლასურია მთელ აფხაზეთში ფართოდ აღიარებულ პოეტად იყო ცნობილი, მერე, უკვე ამ საუკუნეში, ისე მოხდა, რომ ბორისი მოსკოვში სწავლობდა, მგონი, პარტიულ კურსებზე და მთელს დროს გარდაიცვალა. ნეკროლოგი მე და გენო კალანდია დავეწერეთ...

ძველი დღიურიდან: განსაკუთრებით ესულფონებოდა თამაზ ჩხენკელის ძველი ჩინელი ლირიკოსი ლიბო. ამ ერთმა პოეტმა მთელი ჩინეთი შემაყვარაო. რაღა ძველი ჩინური კედელი და რაღა ძველი ჩინური პოეზიაო, რომელიც იმ ჩინურ კედლებზე მეტი თუ არა, არანაკლები საოცრებააო. თამაზმა მუდამი გაუგოო, ალბათ, ჩვენი ენის მადლიც არისო... გოგლასგან პირველად გავიგონე ჩინელი მხატვრის ცი ბაი შის სახელიც. ერთი ფუნჯის მოსმით მთელ ხასიათს ქმნისო. ალბათ, მოვა ისეთი დრო, როცა ძველი ჩინური ცივილიზაცია მრავალი ათასწლეულით გაუსწრებლად ძველ მერძულ ცივილიზაციასო... გოგლას მოგზაურობა არ უყვარს, თითქმის არც მოგზაურობს, მაგრამ სულ იცის, მთელ მსოფლიოში კულტურის თვალსაზრისით რაც ხდება. ცოცხალი ენციკლოპედიაა.

ერთ-ერთ ძველ რეგულში ჩამიწერია, თუმცა ისედაც არ მიგულმავეწყია, რომ ეთერ თათარაიძის თუშური ყაიდის ლექსები, გამოქვეყნებული „ლიტერატურულ გაზეთში“, კბილქვეშ მოიქცია ტარიელ კვანჭილაშვილმა, იმ დროის სახელთანა ლიტერატურაში, პროფესორმა, ნამეტანი ათუშურებს, იმდენად, რომ მკითხველისთვის გაუგებარი ხდებოდა, რაც მთლად სწორი არ იყო, და აკი ამიტომაც ერთ-ერთი შეხვედრისას გიორგი ლეონიძემ საყვედური უთხრა, არა ხარ მართალი, ტარიელი, თუშური ქართული ენის ერთი უძველესი კილოკავია და განა ცოტა საქმეა ეთერის პოეზიაში ამ უძველესი კილოკავის შენარჩუნება? თანაც კიდევ ხალასი პოეზიააო. ამ შემთხვევაში შენი იპოლიტეს დაემსგავსე, ვართავავას, რომელმაც ვაჟის ფშაური კილო დაუწერა სრულიად უსამართლოდ...

ძველი დღიურიდან: მე და რეზო ინანიშვილი საუბრით გავყვეით მელიქიშვილის ქუჩას. რეზო უეჭველად სწორი გზით მიმავალი მწერალია. ასეთი რამ თქვა: მწერლები მნათიებს ჰგვანანო. დიდი ლიტერატურა ყოველთვის კლასიკური კალაპოტით მიედინება და ბალზაკის, ილიას, გოლსუორთის, ბოლას გზით მიდისო. მე და რეზო შევთანხმდით, რომ ისლანდიელი ლექსისეი შენარჩუნებზე ბევრად დიდია, რომ ლიტერატურა ნელ-ნელა ასუფთავებს ჩვენს დედამიწას და სადღაც შორს, ჩვენი პლანეტადან უსასრულობაში ყრის ნავავს (8. XII, 1956 წ.)

ძველი დღიურიდან: ახლახან, უკვე გოგლას გარდაცვალების შემდეგ, გამოქვეყნდა არჩილ სულაკაურის ლექსი „მიმინო“, რომელიც ლეონიძის სულთან შეხმანების გამოძახილია. ამკარად შედეგია. ასეთი ძლიერი სტრიქონები, მუხის ასეთი ძლიერი თავგამომუდგენება ნამდვილად არ მეგულემა. დასანანი, რომ თვითონ გოგლა ვერ წაიკითხავს ამ შედეგს. ალბათ, კიდევ ბევრი მიუძღვნის უკვე დიდ წინაპრად ქვეულ გოგლას გულიდან ამოძახილს, მაგრამ არა მგონია არჩილის „მიმინოზე“ კიდევ უფრო მაღლა იზონოს... ასეა, როცა პოეტს პოეტი უყვარს, მით უმეტეს, ახალგაზრდა პოეტს.

თუ ცოცხალ, დიდი მწერლობის გზაზე შემდგარ ახალგაზრდებს ყურადღებას არ აკლებდა, გიორგი ლეონიძის არც უდროოდ „სიმღერაშეწყვეტილი“ ავიწყდებოდა. ერთ-ერთი ასეთი იყო ქეთევან ირემაძე, რომელმაც ფრანგულიდან გადმოაქნა აბატ პრევეოს „მანონ ლესკო“ (როგორც ცნობილია, გალაკტიონმა ლექსიც კი დაწერა ამ თარგმანის წაკითხვის შემდეგ), დენი დიდროს „რამოს ძმისწული“, გენუამინ კონსტანის „ადოლფი“.

ამ წიგნებმა უთოოდ კეთილი გავლენა იქონიეს ჩვენს ახალგაზრდებზე. ამას გიორგი ლეონიძე ყოველთვის აღნიშნავდა. ამიტომ იყო, რომ 33 წლის ქეთევანის დაკრძალვაზე გოგლამ, უკვე პოეტმა-აკადემიკოსმა, ფრიალ მგრძნობიარე სიტყვა წარმოთქვა: „ვის არ ენანები, ვის



ემეტები ასეთი ახალგაზრდა და მშვენიერი ასეთი უღრმო სიკვდილისთვის. შენ უფლება გქონდა, დიდხანს გეცოცხლა, დიდხანს გეხანა. ნიჭიერი, განათლებული, დიდი მომავლის მქონე, მაგრამ მოკრძალებული, მუდამ მშრომელი, მუდამ გულისხმიერი და თავაზიანი, შენ ჩვეულ ქალთა შორის იყავი საამაყო წევრი ჩვენი რიგებისა. შენი ორიგინალური ნაშრომები, შენი თარგმანები დიდი შენაძენია ქართული მწერლობისთვის, მისი გამამდიდრებელია. მთ უფრო გეტკივა გული, რომ ამდენის გამკეთებელი ასე მცირე ხანში, რადაც ათიოდე წელში, კიდევ რამდენს იშრომებდი ჩვენი მწერლობის სასახლეოდ, მაგრამ უდროოდ გავგზოვრდი. საფლავის მაგივრად შენ მკვრივად ჩავიკრავინე ის ქართული დედები, რომელთა სახელის გამოხატულებას ამდენი შრომა შესწირე. და თავისი კუთხე მიუჩინა გოგლამ, მართლაც ქართული სიტყვის ბაზილიკა და ჭაბუნაგინა, ქეთევანს ქართული ლიტერატურის მუზეუმში. მასსოვს, როცა კი შალვა რადიანი, ქეთევანის იმუამინდელი მეუღლე, და გოგლა შესვდებოდნენ ერთმანეთს, კარგა ხანს აუცილებლად ქეთევანზე ჩამოაგდებდნენ ხოლმე ლაპარაკს... ქეთევანის „ლიტერატურული მედალიონები“ 1945 წელს გოგლას რედაქციით გამოიცა.

ჩვენს რედაქციასთან ძალიან ახლოს იყო თავის დროზე ფრიად გამორჩეული ახალგაზრდა მთამსვლელი და ფოტოხელოვანი გურამ თიანაცხე, რომელიც განსახიერებელი აპოლონი იყო. იმ დღეს, 1964 წელს, რედაქციაში ერთად ამოვიდნენ გოგლა და გურამი. კარგა ხანს ვილაპარაკეთ, გურამმა აპარატი მომიბარა და საბაბსოვრო სურათი გადავიღე. ხვალ დილით სვანეთში მივიღებ, ჩამოვალ და სურათსაც მოგართმევთ. ვაი, რომ ვეღარ ჩამოვიდა. მერე მურმან ლებანიძემ ლექსით დაიტერა:

„- ვოი, რა უფერულია სიკვდილი ლოგინში!  
ვოი, რა საშინელია სიკვდილი ლოგინში!  
ისიც ლოგინში მომკვდარა, ოღონდ –  
ყინულის ლოგინში...  
გურამ თიანაცხე შხარა აუღია,  
რაც მოხდა, დამეგობრას მომხდარა,  
საკუთარი ხელით შალვ დაუგია,  
საკუთარ პალოზე მომწყდარა...  
თავი სიმამაცით წაუგია,  
ვოი-ვოი, სიმამაცით მომკვდარა!..  
ვანსკვლავი ვანსკვლავებს მომწყდარა.“

დღესაც სათუთად ვინახავ გურამის მიერ აღწერილ რედაქციაში გადაღებულ ფოტოსურათს. ალბათ, ვერც ერთი მხატვარი ვერ დახატავდა გიორგი ლეონიძის ისეთ შთაგონებულ პორტრეტს, როგორც გურამ თიანაცხეს ფოტოზე სათვალისი, თავდახრილი, ალბათ, უძველესი ხელნაწერში ჩამატებული გიორგი ლეონიძე აღმეჭვდილო... გიორგი ლეონიძე თავისი დროის ერთადერთი თუ არა, ერთ-ერთი ყოვლის უფროვე განსწავლული ადამიანი იყო, რომელსაც, როგორც იტყვიან, ხელისგულზე ედო მთელი მსოფლიოს კულტურის ასავალ-დასავალი და ღრმად ესმოდა მსოფლიოსავე ცივილიზაციათა არსი. ყოველსავე ამას კი მესხიერების კულტურის წყალობით ახერხებდა

და ყოველსავე გამოცდილების სიმადლიდან სჯიდა... საქართველო ამ ცივილიზაციათა ერთ-ერთი ნიშანდარი იყო, ამბობდა... საათობით შექმნილი მსოფლიოს დიდ რელიგიებზე და ჩინურ თუ იაპონურ ლექსთწყობაზე საუბარი... მაგრამ, როგორც საბა იტყოდა, „სოფლისა საქმისაგან უცალო იყო“...

ერთი რამ მუდამ აწუხებდა, ზოგიერთი ჩვენი ახალგაზრდა ნემსის ყუნწი ძვრება, ოღონდ როგორმე ჩააწყოს და უცხოეთში სტუდენტად თუ არა, ტურისტად მიიწვიოს. ეს მაშინ, როცა თავის სამშობლოს ხეივანად არ იცნობს... და თავისი ნათქვამის დასადასტურებლად შალვა ნუცუბიძის მაგალითს მოივარგებდა ხოლმე. შალვა ვერმანიაში სწავლობდა, ბერლინის ერთ-ერთ ცნობილ უნივერსიტეტში. ლექციებს დიდად სახელგანთქნილი პროფესორი უკითხავდა.

ერთხელ, როცა იმ პროფესორს საქართველოს ხუროთმოძღვრებაზე წაუკითხავს ლექცია, შალვა ნუცუბიძე დაუბრუნებია, ავერ ჩემს ლექციას ქართველი სტუდენტის ესწრება და ეგ დამიდასტურებსო. შალვა გაწითლებულა, შერცხვინია, რადგან რასაც ვერმანელი პროფესორი ამბობდა, არც ენახა და არც გაეგონა. ასე ყოფნა აღარ შეიძლება, გადაუწყვეტია შალვას, ერთი წლის აკადემიური აუღია, ჩამოსულა საქართველოში და სულ ფეხით შემოუვლია მთელი ქვეყანა, მთაცა და ბარიც... მერე უკვე ამყად ვიჯექი აუდიტორიაში, უთქვამს შალვას.

ძველი დღიურიდან: დღეს რუსთაველზე შევეხდი შალვა ნუცუბიძეს. ერთად წამოვდით. ადამიანის თავი ორ საათზე მეტს ვერ უძლებს ფილოსოფიასო, ინსტიტუტიდან გამოვიქცეო... ილაპარაკა მანიქველოზებზე, არეოპატიტიკაზე, რენესანსზე, რუსთაველთან დაკავშირებით ასხენა ალექსეი ტოლსტოის წერილი, რომელსაც „ლიტერატურაშია გამტვა“ მეტყვია. შალვა უდიდესი კაცია. ძალიან შეწუხდა გოგლას ავადმყოფობით... (10.X. 1965 წ.)

როგორც ხალხში იტყვიან, ერთმანეთის პირით მეგობრები, ერთგული მეგობრები იყვნენ გიორგი ლეონიძე და აკაკი შანიძე, როგორც გოგლა იტყოდა, „მრუდული ვითარება ჯიბეგულა“, რომელსაც პეტერბურგში ჰქონდა განათლება მიღებული, გოგლასგან განსხვავებით. ისინი ხშირად ეპატიუებოდნენ ერთმანეთს. აკაკის პატარა ქმრის ღვინის ჭიქა დაჰქონდა მუდამ თან (განსხვავებით გურამ ფანჯიკიძისგან, რომელსაც გულის ჯიბეში, პიჯაკის ქვეშ, მუდამ ღვინის შუშა ედო, სუფრის ბოლოს შამპანურისთვის...). ერთხელ, გოგლასთან სტუმრობისას, გოგლამ უთხრა, აბა, იმიშვლე შენი ქმრის ჭიქაო და პირველი სადღევრძელოს უფლება აკაკის მისცა. მასსოვს, აკაკიმ ასეთი რამ მრძანა: ერთ-ერთ ძველ სამონასტრო საბუთში წერილი: ძველი წინამძღვრის სიკვდილის შემთხვევაში ისეთი ახალი წინამძღვარი უნდა ავირჩიოთ, ვინც უმეტესად საქმით და უმცირესად სიტყვით გამოირჩევაო. აი, ასეთები იყვნენ ჩვენი წინამძღვრები, დასძინა ბოლოს და დალია იმათი სადღევრძელო. თუშუცა, რაღა წინამძღვრები, თავდაც ავი ასეთები იყვნენ!..

ერთხელაც გოგლას უკითხავს აკაკისთვის, მართალია, რომ ამბობენ, აკაკი შანიძეს უნივერსიტეტის წინ ტრამ-



ვამ გაჰკრა, აკაკი წამოტოდა და გაჰკრა ზმნის უღლებად იწყო... მე გაჰკრა, შენ გაჰკრა, იმას გაჰკრაო. ეგ გრამატიკის მოძულე ხალხის მოვლილიაო, ღიმილით მიუგო აკაკი. ტრამვიას რომ გაეკრა, რკინისა ხომ არ ვიყავი, ახლა ერთად არ ვიქნებოდითო.

იმ ტრამვებს, გოგლასთან, ესწრებოდა აკადემიკოსი ერისთავი, ცნობილი ქირურგი, რომელმაც ასეთი რამ თქვა: ჩვენ რომ ხაშლამას ვეძახით, მოხარული ძროხის ხორცს, აუცილებლად ცოტა ძვლიანს, პირველად გერმანიაში შევესწარიო. როგორც ჩემმა გერმანელმა მასპინძელმა მითხრა, ღვინის სმის დროს უეჭველად მოხარული ხორცის დატანებაა საჭიროო, თანაც ხორცი უსათუოდ ძროხისა უნდა იყვესო. ორგანიზმში ღვინოს ამოიერებსო (ბარემ აქვე ვიტყვი, რომ თვითონ გოგლას „მშრალი სუფრა“ უყვარდა, წვნიანს თითქმის არ მიირთმევდა, შინ იყო თუ სადმე სტუმრად, დიასახლისს აუცილებლად ეტყოდა, ინდაური ან ქათამი საცივ-შაუშუმი არ გამოიხუზრო). ეს ჩამიწერია კიდევ და სანამ ახალგაზრდა ვიყავი და არც ღვინოსთან ვიყავი მწყრალად, აკადემიკოსი ერისთავის ამ „პოსტულატს“ მუდამ „ხორცს ვასხამდი“...

იმ წვეულებებზე, ელენე ახვლედიანის ბინაზე, სადაც ლაღო გუდიაშვილი „ქართულს“ ცეკვავს, და ეს ერთ-ერთ ფილმში არის, ჩვენდა საზედნეროდ, აღზეხილი, გიორგი ლეონიძე იყო მიწვეული, მაგრამ ვერ მოახერხა მისვლა. სამაგიეროდ, ერთხელ ჩემთან საუბარში, ისევ, ჩვენდა საზედნეროდ, კარგა ხანს ილაპარაკა ლაღოსა და ლაღოს შემოქმედებაზე.

გოგლას საყვარელი სურათი იყო აპოლონ ქუთათელაძის „თამარ მეფის ნადირობა“...

(ბაბრქაძე იმნაბა)

P.S.

ჩანაწერი მსგავსი

დღიურიდან: ამ ჩემი მოგონება-ესეის ბეჭდვის დაწყებისთანავე, როგორც უკვე ვწერდი, არაერთი ჩემთვის ძვირფასი და ანგარიშგასაწევი ადამიანი გამოემხმებოდა. ერთ-ერთი იმათგანია ფრიად სახელმწიფო პიროვნება ნუშმარ შოშხაძე, რომელიც გიორგი ლეონიძეს წინა საუკუნის 60-იან წლებში ჯერ კიდევ სრულიად ახალგაზრდა შესხედრია რომელიღაც სუფრაზე, სადაც გოგლა, ჩვეულებისამებრ, თამადა ყოფილა. სადღევრძელო, რომელიც იმას იქ უთქვამს ნუშხაძის თანდასწრებით, მექ მსმენია გოგლასგანვე ერთ უცნობ ვარიანტად, ამიგომ ახლა ორსავე ვარიანტს გაავართიანებ... თამადას, გოგლას, სუფრის წვერებისთვის შეუვსებინებია სასმისები და უთხოვია, ყველამ ჩვენ-ჩვენი წარმომშობი ოთხ-ოთხი გვარის სადღევრძელო დაგვლით, საიდანაც მოედით, ანუ ჩვენი წინაპრების სსოვნა ვადღევრძელოთო. ვინც ჩვენ-ჩვენს სასმისებს გამოვცლით, ჩვენს წინაპრებს იქ, იმ მზეამოსვლელ ქვეყანაში, ყველას თავთავისი სასმისი შევესება, ხოლო ვინც არ გამოვცლის, იმათ წინაპრებს სასმისები ცარიელი დარჩებათო. აბა, ამ სიკვების შემდეგ ვინ არ დაცლიდა თავის სასმისსო, – ნუგზარმა, და დასძინა, ამ სადღევრძელომ ისე იმოქმედა ჩემზე, რომ დღესაქამომდე გონებიდან არ გამომდისო.

სხვათა შორის, გოგლას კიდევ ერთი სადღევრძელოს თქმა უყვარდა, რომელსაც აგრეთვე წინა სადღევრძელოსავით გოგლაურს უძახდა. ვინც ჩვენზე აღრე დაგოვა ეს სამზეო და იქ ჩვენს წილ სამუდამო სამყოფელთ გვითბობენო. გოგლას ეს სადღევრძელო მერმე



სხვებმაც აიგაცეს და თავიანთებურად გაახშირეს...

აქ არ შეიძლება, არ გავიხსენო, საერთოდ რა პატივისცემით ეპყრობოდა გოგლა წარსულს და მაგალითად ყოველთვის „კოკოროჭინა“ ისლანდიას იშველიებდა. იგი ასე იხსენიებდა ისლანდიას, რომელიც თითქმის სულ სამი ათასი ისლანდიელიდან შედგება, თითო სულზე 10 ცხვარი მოდის, ხოლო თევზს, ბუნებრივია, თვლა არა აქვს. აი, ამ პაგარა ისლანდიას მხოლოდ ათასი წლის ისტორია აქვს და მთელი ამ ათასი წლის სიგრძეზე ყველა ოჯახში საგვარეულო წიგნი დევს, სადაც აღრიცხულია, ვინ ვისი წინაპარია და ვინ ვისი შთამომავალიაო...

განა ქართველთ გავწყენდა ასეთი საგვარეულო წიგნების შემოღებაო? გულისტკივილით იტყოდა ხოლმე გოგლა, რომელიც ქვეყნის წარსულის მიმართ ყურადღებიან საქციელს ეროვნული ფესვებისთვის მაცოცხლებელი წყლის დასხმად მიიჩნევდა. ხოლო ფესვები თუ გახმა, მერმე კარგად მეყოლეო, იცოდა ხოლმე სევედინად თქმა...

შემეხმებინა აგრეთვე ცნობილი ფსიქიატრის შოთა ბაბრქაძის მეუღლე, თავდაც ფსიქიატრი, ნათქვამ ბაბრქაძის (შუბპარაძე), 94 წლისა, თვითონ შოთა 93-ე წლისამ ამ ხუთი წლის წინათ გარდაცვლილა. როგორც ქალბატონმა ნათელამ გვითხრა, ბატონი შოთა თავგადაღებული ბიბლიოფილი ყოფილა, შეგროვილი ჰქონდა რუსთაველის „ვფხვისცყათოსის“ მსოფლიოს სხვადასხვა ენაზე გაბეჭდილი და გამოცემული 250 ცალი, რომელთა შორის ოჯახის განსაკუთრებით ეძვირფასებოდა გიორგი ლეონიძის ნაჩუქარი. ამ კოლექციამა იაპონელი ფუკუროს მიერ იაპონურად გადაბეჭდილი, რომელიც ფუკუროს, გიორგი ლეონიძის რჩევით, გივი მუღაბეს გადაუცია შოთა გამყრდელისთვის. ერთი სიგელიც, ბატონ შოთას გიორგი ლეონიძე გადამერთებული ჰყავდა, და განსაკუთრებით აფასებდა როგორც დიდ ქართველსო, შესხედრითაც არაერთხელ შეხვედრიაო.

როგორც წინა, ახალ დღიურში ვწერდი, ამ პუბლიკაციის დღეებში დამირეკა საქართველოს რკინიგზის ყოფილმა უფროსის მოადგილემ ბუმბუმი მამისურაძემ, ფრიად ნაკითხმა და საერთოდ მწიგნობარმა კაცმა, გიცინა გაბიძის მეუღლის ნინა მაყაშვილის ნათესავმა. ნინა მაყაშვილი, როგორც გუგულიმ ბრძანა, ილია ჭავჭავაძის დის შვილიშვილი ყოფილა. 40-50-იან წლებ-

ში მაფსულგობით თურმე მარცხოვში ისვენებდა მისურაძეებში, ძველ მამა-პაპურ სახლში. სხვა მწერლებთან ერთად და ცალკეც, ნინას მოსახალხებლად მარცხოვში რამდენჯერმე ჩასულა გიორგი ლეონიძეც. პირველ ჩასვლაზე გოგლას მისურაძეების რიკულებიან სახლის დანახვისას წამოიუქახია, ეს ჩემი პაგარძეულის სახლი აქ ვის გამოუგანიაო...

გუგულიმ ის ამბავიც გაიხსენა, ნინა მაყაშვილის ნაამბობი, ერეკლე II ფრიდრის II-ს რომ იცნობდა, და აკი უთქვამს კიდევ, ევროპაში მე ვარ პირველი, კავკასიაში კი ერეკლე ბატონბატონიო. როგორც ცნობილია, ბეთპოვენმა თავისი გენიალური მე-9 სიმფონია ნაპოლეონის მხედრული მამაცობით აღფრთოვანებულს შეუთხზავს, ხოლო მერე ნაპოლეონში იმედგაცრუებულს პერიოკული დაურქმევია. ბეთპოვენს ფრიდრის მეორისგან ვითომ ჩვენი პაგარა კახის ამბავიც სცოდნია და მე-9 სიმფონიაში რაღაც ქართული ბეტონებაც, ანუ მოგივიც გაურევია. ამის თაობაზე ნათქვამი ჰქონია ქართული კულტურის მუზეუმის დირექტორს, ნამდვილად კითხულ კაცს გიორგი კალანდიასაც... აი, ვითომ სწორედ ამ ამბავს დაუწერიებია გალაკიონ გაბიძისთვის „მე-9 სიმფონია“:

„საღ გზვის ჭაველია,  
ყვამილთა მთოველი,  
კვლავ ვხვდებით ერთმანეთს  
მე და ბეთპოვენს.  
ოცნება მტონია,  
სიზმარი მტონია...  
ქართული მოტივი –  
მეცხრე სიმფონია!“

ჩვენც სხვა არა დაგვრჩენია რა, ოცნებად და სიზმრად უნდა წარმოვიდგინოთ ყოველივე, და განა ჩვენი ცხოვრება მართლაც ოცნება და სიზმარი არ არის?!



# შენ რა გავლერებს!

## სააკაძემ, ოქალაშვილმა და მეჯღანუაშვილმა უკვე დააყენეს სისხლის ღვარი...



პრეზიდენტად ხელდასმული კაცი და „მაუგლის“ კითხულობს. ისე კი არა, როგორც გალაკტიონი იტყოდა, „არის მკითხველი მშვენიერ წიგნის და არის მხოლოდ გადაამკითხველი“, არამედ ღრმად, საფუძვლიანად, ასე ვთქვათ, მთელ გულ-ბოყვითა და სუკებით შეიმეცნა რედიარდ კიპლინგის სიღრმე და თავის სამეტყველო პრაქტიკაში ჩანერგა ამ დიდი მწერლის ცალკეული შემოქმედებითი პასაჟები.

აი, იმ დღესაც, გრიგოლ ვაშაძემ არსებული ხელისუფლება ასე დაახასიათა: „**ეგ ბანდერლოგებიო, ანუ მაუგლისებურად – მაიმუნებიო.**“

ამ ლიტერატურულმა რემინისცენციამ გიგა ბოკერიას მიმართ ამას წინათ ნათქვამი მისი სიტყვები გამახსენა: „**ეგ კაცი (გიგა ბოკერია) ისე მიანტერესებს, როგორც ტანზანიაში სორგოს მოსავალიო**“.

უბრალოდ, თანამედროვე სლოგანით კი არა თქვა, გიგა ბოკერია ქინძვე მკვიდარი (როგორც ნაცი ქალებისა და კაცების უმეტესობა იტყოდა), არამედ მისდამი ინტერესი ტანზანიაში სორგოს მოსავლისადმი ინტერესს გაუთანაბრა. ამით თავი აშკარად სალომე სამადაშვილსა და ნიკა მელიაზე მაღლა დააყენა, ბანდერლოგებიო!..

ამავე ხელისუფლებაზე და „ოცნებაზე“ მაგალითად რომან გოცირიძემ უკეთესი ვერაფერი მოიგონა და **პლებურად, ხაბეიშვილისებურად – ბანდიტიზიო...**

სხვათა შორის, მსგავსი სიახლე – ლიტერატურული თუ ისტორიული გმირით მანიპულირება დაიწყო „ქართული ოცნე-

ბის“ საპარლამენტო ორბიტიდან საკუთარი ინიციატივით გატყორცნილმა გედევან ფოფხაძემაც. რადიო „თავისუფლების“ გადაცემაში „დიდი საუბრები“ განაცხადა: „**იყო ასეთი გმირი მსოფლიო ისტორიაში – სპარტაკი ერქვა და მან ისტორია შეცვალა მენტალურ დონეზე. მაქვს პრეტენზია, რომ ვარ სპარტაკი და მაქვს პრეტენზია, რომ ხალხს მოვუტან თავისუფლებასო**“.

ყოჩაღ, ძმაო, კაცი შენ ყოფილხარ!

ოღონდ ისიც უნდა გაითვალისწინოს ბატონმა გედევანმა, რომ იმ სპარტაკმა საბოლოოდ ვერავითარი თავისუფლება ვერ მოუტანა თანამებრძოლებს და კრასუსთან უკანასკნელ ბრძოლაში ათიათასობით თანამებრძოლთან ერთად დაიღუპა, ხოლო ვინც ცოცხალი გადაჩა, ყველა ჯვარზე გააკრეს. ასე რომ, სპარტაკის მიერ ხალხისთვის თავისუფლების მოტანა, ერთობ პირობითი ცნებაა.

**ისე აი, გამომითხეული არ არის, ბატონი გედევანის ინიციატივამ აიტაცონ ოპოზიციის ღრმეზა, მავალითაღ, გიორგი მავაძემ სვამდ გამომცხადლო, გიორგი სააკაძე მარო, ან დიდმა მივამ სულ გაუტიოს – ძია სტალინი მარო, გიგა ბოკერია – არსენა ოქალაშვილიო, მავაშკა ხაზარაძემ კი მორცხვად – სოლომონ ისაკიჩ მავჯღანუაშვილიო და ა.შ. რას შერბი მიჩა!**

არადა, ოპოზიცია, მთელი ეს სააკაძე-ოქალაშვილი-მეჯღანუაშვილი უკვე მთლიანად ჩართო საარჩევნო სამზადისში და ხელიც ჩვეულებისამებრ (უფრო სწორად, აპრობირებული პრაქტიკისამებრ) გამოიღო – მარნეულსა და ბოლნისში

პირდაპირ სისხლის ღვარი დააყენეს, ცვირ-პირი გაუსწორეს „მონინალმდეგებს“. ცეცხლის ხაზზე წყველა-კრულვით დაქროდა „მტრის მხარეს“ ურა ცხენივით გადაჭენებული კახა ოქრიაშვილი...

ზემოსხენებული სპარტაკი ამ მუშტი-კრივებს ანალიზებს და ღრმავარდნად აცხადებს, **არჩევნების წინ მსგავსი ტიპის კონფლიქტები ხელისუფლების ინტერესებში შედის(!)**

ვითომ მართლა ხელისუფლების ინტერესებში შედის სამეზობლოში აბოლებული საომარი ხანძრის დროს **ქვემო ქართლში** ასეთი გაუაზრებელი და სახიფათო ქმედებები? ძნელი სავარაუდებელია!

ჰოდა, ახლა სამეზობლოზე. პრევიერმა ნიკოლ ფაშინიანმა შეილი აშოტი ბრძოლის წინა ხაზზე გაუშვა, ახლა ის დროა, კაცი სამშობლოსთვის მოკვდესო. ყარაბაღშია მისი მეუღლე ანა აკოფიანიც, ოთხი შვილის დედა, მან აგვისტოში, თითქოს ჯადოსნურ სარკეში იყურებოდაო, საბრძოლო მოქმედების კურსები გაიარა არცაში (მთიან ყარაბაღში) დისლოკირებულ ერთ-ერთ სამხედრო ნაწილში 15 სხვა ქალბატონთან ერთად. ისინი მოძრაობა „ქალები მშვიდობისთვის“ წევრები არიან, აქტიურად მონაწილეა სავარაუდო ომისთვის და, თქვენ წარმოიდგინეთ, ომამაც არ დააყოვნა!

ფრონტის მეორე მხარეს პრეზიდენტ ალიევის მეუღლე ქალბატონი მეჭობიან ალიევა ჯარისკაცებს ამხნევენ: დაე, უზუნაესმა აზერბაიჯანელებს შესაძლებლობა მისცეს ყარაბაღის წმინდა მიწას ეამბორონო.

ისე რომ, არც ერთი მხარე, ჯერჯერობით, შეჩერებას არ აპირებს. საინფორმაციო საშუალებები აცხადებენ, რომ ყარაბაღში უცხოური უკანონო ფორმირებების გადასროლა ხორციელდება: ერთ მხარეს თურქულის, მეორე მხარეს კი სირიელი სომხებისო.

სომხეთის განათლების, მეცნიერების, კულტურისა და სპორტის მინისტრმა არაიკ უთინიანმა გადაწყვეტილება მიიღო, ერევნის სახელმწიფო უნივერსიტეტის სამეცნიერო საბჭოს მიმართოს თხოვნით, უნივერსიტეტის საპატიო დოქტორის ნოდარ ჩამოართვას საქართველოს ყოფილ პრეზიდენტს მიხეილ სააკაშვილს. ამის მიზეზად ასახელებს იმას, რომ სააკაშვილმა 28 სექტემბერს ფეისბუქში გამოქვეყნებულ პოსტში მხარდაჭერა გამოხატა აზერბაიჯანის ტერიტორიული მთლიანობისადმი: განაცხადა, მთიანი ყარაბაღის ისტორიულად ყოველთვის აზერბაიჯანის ტერიტორია იყო და გული დაუკოდა სომხურ მხარეს.

ერთი სიტყვით, ახლა ის დროა, ყველამ იმაზე ვიფიქროთ, თითოეულის განცხადებები და ქცევა ამ ვითარებაში რამდენად წაადგება ჩვენს ქვეყანას, ხომ არ დააზიანებს, ხომ არ დაზარალებს მის ინტერესებს...

**დაბოლოს**, ერთიანი ეროვნული მოძრაობის ბოლო ფოკუსზე უნდა მოგახსენოთ: თავიანთ საარჩევნო სიაში პირველ ნომრად განვირე გრიგოლ ვაშაძე „ჩამოალაბორანტეს“ და მის ადგილზე, პირველ ნომრად ცნობილი მომღერალი და მსახიობი ბუბა კიკაბიძე ჩაწერეს.

ერთი თვეც და შევიტყობთ, რამდენად წაადგება ეს გადაადგილება მიშა სააკაშვილის გუნდს. ის ცალკე სათქმელია, რაში დასჭირდა გუნდს მცოვანი მომღერალი და რაში დასჭირდა თვით ბუბას ეს მოულოდნელობა, თუ არ ჩავთვლით პატივმოყვარეობის შუშხუნა გრძნობას.

ჩიტო, გვრიტო, ჩიტო მარგალიტო და...

**ალეკო ასლანიშვილი**

**მს დღეები – წინასაარჩევნო ფორიაქის, სომხეთ-აზერბაიჯანის საზღვარზე ანთებული ქიაკოკონის, კოვიდ19-ის თარეშის პერიოდი – შემოფოტბასთან ერთად სიამაყესაც გვრის კაცს.**

ეს მოულოდნელი გრძნობა – სიამაყე ნაცების ჯილამ სელაპა გრიგოლ ვაშაძემ გააჩინა!.. მაშინ, როდესაც მისი თანამებრძოლნი ქვეების სროლასა და დედის გინებაში ვარჯიშობენ, დგას ეს ყოველმხრივ შემკული, გუშინ კინაღამ საქართველოს

**მინც, რა არის ეს ბინძური პოლიტიკა თუ პოლიტიკოსთა სიბინძურე, რას არ გაფიქრებინებს კაცს.**

კაცობრიობამ უხვად შემოინახა ძალაუფლებით აღჭურვილ ტირანთა ზეობისას ჩადენილი უკეთურობებისა თუ პათოლოგიური გადახრების მაგალიტები, როცა ზოგი მათგანი ქვეშევრდომებს აჭრიდა თავებს, ზოგი ტაძარს წვადა, ზოგი ცხენს ანიჭებდა სენატორის სტატუსს და ზოგიც მისთვის საძულველი ერების შვილებს ნარკომანებთან ერთად ჯგუფურად ძირავდა ზღვაში.

დარწმუნებული ვარ, გეცნობ ალნიშნული ბოროტების შემოქმედთა ვინაობა და ამიტომ, წინასაარჩევნო პანდემიით დაზაფრულ თანამემამულეთა ფაქტორის გათვალისწინებით, კიდევ ერთხელ მათი ხსენებით აღარ მოგიშხამავთ ხასიათს, მაგრამ უნდა ვაღიაროთ, რომ ისინი ისტორიული ფიგურები მინც იყვნენ.

კეთილი და პატიოსანი, მაგრამ მათ ფონზე, საინტერესოა, რას წარმოადგენს ბედის უკუღმართობით რუსეთ-ამერიკისა და სოროსული სალიბერალისტების მიერ საქართველოს მესამე პრეზიდენტად შემოსაღებული მიხეილ სააკაშვილი, რომელიც ნებაყოფლობით „გაეყარა“ ყოფილი სამშობლოს მოქალაქეობას და, უკვე უკრაინის



## კაცუნას

ნის პასპორტით ძალგულოვნებადბრუნებული, კივიდან განაგრძობს ვირტუალურ, გენბავთ – დაუსწრებელ ანტისახელმწიფოებრივ მოღვაწეობას?

პასუხი მარტივად გასაცემა – საკუთარი ოჯახის წევრი ქალბატონების ჩაფლავებული პოლიტიკური ამბიციებისა და თავიდანვე უტოპიურად მიჩნეული, უკვე მრავალჯერ გადადებული თბილისში დაბრუნების შემდეგ „ცენტროვკადაკარგულმა“ გნაცმობრობა – „ძალა ერთობაშიას“ წამოყენებულმა ქვეყნის პრემიერ-მინისტრობის ბუტაფორიულმა კანდიდატმა ნაცად ხერხს მიმართა: თანამემამულეთათვის ერთ დროს საყვარელ ხელყოფანთა შეზღუდვის მანკიერი პრაქტიკა გაიხსენა.

დიახ, თუ წინა საპარლამენტო არჩევნების დროს ნაც-ფიურერმა მსოფლიო ბან



პაატა ბურჭულაძის ავტორიტეტი განირა, ამჯერად მცოვანი ბუბა კიკაბიძე ამოილო მიზანში და საინფორმაციო საშუალებებითა თუ სოციალური ქსელებით ისედაც გამწარებული სიბერე, ადვილი შესაძლებელია, ჯოჯოხეთად უქციოს.

ვცდილობ, ახსნა მოვუძებნო თანამებრძოლ-თანამოაზრეთა ასეთი გამეტების პრეცედენტებს, რაც, თუ გულახდილნი ვიქნებით, ფსიქოლოგ-ფსიქიატრთა რომელი-



## სინდრომი

ნლებში ახალშექმნილ დროებით ვითომ მეგობართა მიმართ შური და, საკუთარი ყველანაირი ფიასკოთი და ამღვრული პოლიტიკური მდინარის ზედაპირზე გაჭიანურებული უშედეგო ტიტყვივით გალიზიანებული-გამწარებული, მათი აქა-იქ, ჯერაც შემორჩენილი ვარსკვლავური რენომეს ნგრევას შეუდგა.

ბოლმა ხომ კაცუნებს ახასიათებს!  
**ბია პლატონიშვილი**

**მინაწერი:** შეიძლება, ვინმე მორალურად ავადმყოფმა გაიკვირვოს, რატომ არ ამშვენებენ შემოთავაზებულ ჩამონათვალს მიშას როგორც ტრაგიკომიკური პერსონის, ისე აღმშენებლობის ეფემერული უნარის ტრფიალ-თაყვანისმცემელი, თუნდაც სოფო ნიჟარაძე ან ხატია ბუნიათიშვილი.

ლმერთმა დაგვიფაროს, სხვათა პირადი ცხოვრების ამსახველი კადრებით ვნებაშლილ, არასრულფასოვნების კომპლექსით „პილიონკვიდიანე“ შეპყრობილ, ოდესღაც უმაღლესი თანამდებობის პირებს მივბამოთ და მავანთა ნაგავი სამზეოზე გამოვიტანოთ.

**ბ. პ.**



სია სიისთვის

# „ენმ-ს სიაში პერანაირ ლობიკას პერ ვხედავ!..“

სია სიისთვის, რომელიც მხოლოდ საკუთარ ამომრჩეველზე გამოწერილი — ასე აფასებენ ანალიტიკოსები „ნაციონალური მოძრაობის“ მიერ წარდგენილ 2020 წლის საარჩევნო სიას. მათი თქმით, ყველაზე მოულოდნელი სიის პირველი ნომერი ბუბა კიკაბიძე იყო. ანალიტიკოსებისთვის გასაკვირია, რა ალგორითმით მოხდა სიის შედგენა და რაზე გათვლილი პარტიის ყველაზე ცნობილი და აქტიური პოლიტიკოსების სიის ბოლოში დაწერა. ისინი ვარაუდობენ, რომ ეს ფაქტი შიდაპარტიულ დაპირისპირებას გამოიწვევს. შესაბამისად, ამ სიით ენმ ჩამოუყალიბებელი ამომრჩევლის მოზიდვას ვერ შეძლებს.

საარჩევნო ბლოკ „ერთიანი ნაციონალური მოძრაობა“ — ძალა ერთობაშიას პარტიული სიაში 177 ადამიანია. სია ცენტრალურ საარჩევნო კომისიაში ენმ-ს წევრმა თინა ბოკუჩავამ წარადგინა.

ბლოკი 5 საარჩევნო სუბიექტს აერთიანებს: „ნაციონალური მოძრაობა“, „მოძრაობა — სახელმწიფო ხალხისთვის“, „პროგრესი და თავისუფლება“, „საქართველოს რესპუბლიკური პარტია“ და „ევროპელი დემოკრატები“.

1. ბუბა კიკაბიძე, 2. გრიგოლ ვაშაძე, 3. ნიკა მელია, 4. ხატია დეკანოიძე, 5. კობა ნაყოფია, 6. დევი ჭანვოტაძე, 7. ლევან ვარშალომიძე, 8. სალომე სამადაშვილი, 9. ზალიკო უდუმაშვილი, 10. სათუნა სამხიძე, 11. რომან გოცირიძე, 12. თემურ ჯანაშია, 13. ნატო ჩხეიძე, 14. რამაზ ნიკოლაიშვილი, 15. კახაბერ ოქრიაშვილი, 16. გუბაზ სანიკიძე, 17. აბდულა ისმაილოვი, 18. ცენზარ ჩოჩელი, 19. თამარ კორძაია, 20. სულხან სიბაშვილი, 21. გიორგი გოდაბერიძე, 22. დავით ხაჯიშვილი, 23. დილარ ხაბულიანი, 24. თინათინ ბოკუჩავა, 25. როსტომ ჩხეიძე, 26. დავით კირკიტაძე, 27. გიორგი ბოტკოველი, 28. ევატერი ნეხერუაშვილი, 29. მანუჩარ კვიციანი, 30. ნიკა მაჭუტაძე, 31. აკაკი მინაშვილი, 32. ნონა მამულაშვილი, 33. ლევან ბუფაშვილი, 34. ბაჩუკი ქარდავა, 35. ლევან ხაბეიშვილი, 36. ანა წითლიძე, 37. მირდატ ქაშიაძე, 38. დიმიტრი შაშკინი, 39. ბადრი ბასიშვილი, 40. ეკა ნამალაშვილი, 41. მურმან დუმბაძე, 42. გიორგი ბარამიძე, 43. ნუგზარ ნიკლაური, 44. რუსუდან ცირეკიძე, 45. მურთაზ ზოდელავე, 46. გიორგი პატარაია, 47. ზაზა გორგოზია, 48. ნინო კვიციანიშვილი, 49. ბექა ქორჩილაძე, 50. აზერ სულეიმანოვი.

ანალიტიკოსი ვახტანგ ძაბირაძე აცხადებს, რომ მისთვის ყველაზე მოულოდნელი და სიუპრიზი მომდევნო ბუბა კიკაბიძის სიის პირველ ნომრად ნახვა გახდა. ანალიტიკოსი ამბობს, რომ კიკაბიძესთან, რა თქმა უნდა, პრობლემა არავის აქვს, მაგრამ საპარლამენტო არჩევნების დროს ამომრჩევლისთვის სიის პირველი ნომერი განსაზღვრავს პარტიის სამოქმედო გეგმას, წინასწარჩევნო აქტიურობას და იმას, თუ ხელისუფლებაში მოხვლის შემთხვევაში პასუხისმგებელი რაზეა.

„უფრო მგონია, „ნაციონალურმა მოძრაობამ“ ბუბა კიკაბიძის ადგილას მიხეილ სააკაშვილი უნდა იგულისხმოს, სხვა ახსნა მე, მაგალითად, ამ ალგორითმს ვერ

მოვუძებნე. მეორე, რაც ცოტა გაუგებარი აღმოჩნდა, ის გახლავთ, რომ პარტიის ყველაზე აქტიური და ნამყვანი ფიგურები, რომლებიც ენმ-ს პოლიტიკას განსაზღვრავდნენ, სიის მესამე ოცეულში აღმოჩნდნენ. ამაშიც ვერანაირი ლოგიკა ვერ დავინახე. ერთ-ერთი, რაც შეიძლება ითქვას, ასეთი მებრძოლი სახეები ვილაცას არ სჭირდება. ამას სხვა ახსნა, უბრალოდ, ვერც მოვუძებნე. სხვა მხრივ, ასევე სიაში ახალი სახეები ნაკლებად არიან, თუმცა პრობლემა აქ, რაც ყველაზე მნიშვნელოვანია, პოლიტიკური და აქტიური, ცნობადი სახეები სიის ბოლოსკენ არიან“, — აცხადებს ძაბირაძე.

მისივე თქმით, რჩება შთაბეჭდილება, რომ „ნაციონალური მოძრაობა“ წაგებას უკვე შეგუებულია და არა აქვს მნიშვნელობა, სიის თავში და შუაში ვის დაწერენ. თუმცა ანალიტიკოსი არ გამოირიცხავს, რომ ამით შიდაპარტიული დაპირისპირება დაიწყოს და პრობლემები რეალურად შეიქმნოს. ის ვარაუდობს, რომ პარტიის მოქმედი და საკმაოდ აქტიური სახეების მხრიდან უკმაყოფილება სიის ბოლოში დაწერისთვის იქნება. ძაბირაძე ამბობს, რომ ეს არის სია სიისთვის, რაღაც ხომ უნდა დაეწერათ და დაწერეს. ზუსტად იციან, მათი ამომრჩევლის 16% არსად წავა და მათ შენარჩუნებას იღვნიან...

ანალიტიკოსი რამაზ საყვარელიძეც for.ge-სთან აღნიშნავს, რომ ნაციონალური მოძრაობის სია არ არის იმ შემადგენლობის, რომელიც შესაძლოა დამატებით ამომრჩევლის მოზიდვაზე იფიქრონ. საყვარელიძისთვის გაუგებარია, რა ლოგიკით მოხდა სიის შედგენა და რით იხელმძღვანელეს. მისი აზრით, პარტია ახლა მხოლოდ იმას ცდილობს, რომ საკუთარი ამომრჩეველი შეინარჩუნოს და მის კონკურენტ ოპოზიციურ პარტიებს ელექტორატის გაყოფის საშუალება არ მისცეს.

„ამ სიაში ვერ ვხედავ ვერანაირ ლოგიკას, უბრალოდ, მათი ქცევიდან გამომდინარე, ამ ბოლო დროს აზრი ჩამომიყალიბდა, რომ ისინი მხოლოდ საკუთარი ამომრჩევლის მოზიდვას ცდილობენ. პარტია მუდმივი ამომრჩევლისთვის მუშაობს და სხვა რაიმე ახალი შეთავაზება არ აქვს. ის სახეებია, ის ფიგურებია, რომლებიც მათ ამომრჩევლებს უხარიათ მხოლოდ.“

ამ სიითაც სურათი იგივე გვექნება, რაც ამ ხნის განმავლობაში ყველა არჩევნებზე გვექონდა. ნაციონალური ხელისუფლება, მათ ამომრჩეველზე კონკურენტია ევროპელების და „სტრატეგია აღმაშენებლის“ სახით არის და ამიტომაც მძაფრი ბრძოლა ამ კონკრეტული ამომრჩევლისთვის მიდის. მგონია, რომ პარტიის მნიშვნელოვანი სახეების უკანა პლანზე გადაყვანით ბევრს საერთოდ პოლიტიკური აქტიურობის სურვილს და მოტივაციას დაუკარგავს. ამიტომაც ეს ისევე პარტიას დააზიანებს და შეიქმნის პროტესტის მუხტს გააჩენს“, — ამბობს საყვარელიძე.

ლიკა ბერიკაშვილი



ნახოს ახალი დამრტყელი ქალა ნახულა ჟორჟოლიანი

## არჩევნების გადაღებაზე საუბარი არ არის, პარტიებს აქვთ შესაძლებლობა, საარჩევნო კამპანია მშვიდ, თავისუფალ, თანაბარ პირობებში ჩატარონ, — ამის შესახებ „ქართული ოცნების“ გენერალურმა მდივანმა კახა კალაძემ თურნალისტებს განუცხადა.



კალაძის თქმით, მოქალაქეები საარჩევნო უბნებზე პირბადით იქნებიან, რაც შეეხება რეგისტრაციის პროცესს, მისი ინფორმაციით, აღნიშნულზე ეპიდემიოლოგების მიერ დეტალური მითითებები გაიცემა.

„ინფიცირებულით რაოდენობის ზრდა მოსალოდნელი იყო და ამაზე ჩვენ ბევრს ვსაუბრობდით. მოგვიწევს ადაპტირება და თანაცხოვრება ამ ვირუსთან. პირველ ტალღასთან შედარებით, დღეს უფრო მეტი გამოცდილება გვაქვს. ვიცით, როგორ გავუმკლავდეთ ვირუსს და, რა თქმა უნდა, ვიდრე არ იქნება ვაქცინა, უნდა დავეუფროთ ჩვენს ეპიდემიოლოგებს და მაქსიმალურად გავითვალისწინოთ ყველა ის რეკომენდაცია, რომელსაც გვაძლევს. ასევე, ყველაზე მთავარია პირბადის ტარება. ადამიანი, რომელიც ხმის მისაცემად შედის, ცხადია, პირბადით იქნება, მაგრამ, როდესაც რეგისტრაციას გადას ამაზე დეტალურად იქნება მითითებები მიცემული, როგორ და რა ფორმით განხორციელდება ეს ყველაფერი“, — განაცხადა კალაძემ.

## ნახომარაობის აქტივისტს საპატიმრო გირაო შეუფარდა

ბოლნისის რაიონულმა სასამართლომ ნაწილობრივ დააკმაყოფილა პროკურორის შუამდგომლობა და „ნაციონალური მოძრაობის“ აქტივისტს არიფ იუსუბოვს ალკვეთის ღონისძიების სახით 4 000-ლარიანი საპატიმრო გირაო შეუფარდა.

პროკურატურა იუსუბოვის მიმართ 5 000-ლარიანი გირაოს, ხოლო ადვოკატი ალკვეთის ღონისძიების გარეშე მის გათავისუფლებას ითხოვდა.

საქართველოს პროკურატურამ საარჩევნო პლაკატების გაკვრასთან დაკავშირებით მომხდარი კონფლიქტისას ორი პირის მიმართ განხორციელებული ძალადობის ფაქტზე დაკავებულ ა.ი.ს ბრალდება 126-ე მუხლის პირველი ნაწილით (ძალადობა, რამაც ფიზიკური ტკივილი გამოიწვია, ჩადენილი ორი პირის მიმართ) გუშინ ორ ეპიზოდზე წარუდგინა.

სამართალდამცველებმა ა.ი. მოსამართლის განჩინების საფუძველზე 3 ოქტომბერს დააკავეს. შინაგან საქმეთა სამინისტროს მიერ გავრცელებული განცხადების თანახმად, ნახიდურში „ნაციონალური მოძრაობის“ აქტივისტის ოჯახის წევრებმა და ადგილობრივმა მოსახლეობამ წინააღმდეგობა გაუწიეს პოლიციელებს და არ მისცეს მისი დაკავების საშუალება, რაზეც მიმდინარეობს გამოძიება. მოგვიანებით, არიფ იუსუბოვი სამართალდამცველებს თავად ჩააბარდა.



## დააკავეს პარტიის გენდირჟანი



თბილისის მერიასთან დააკავეს „სტრატეგია აღმაშენებლის“ წევრი პაატა მანჯგალაძე და პარტიის 3 მხარდამჭერი. ისინი პარტიისთვის გამოწერილ ჯარიმებს ამროტესტებდნენ. შს-ის ცნობით, ისინი სისხლის სამართლის კოდექსის 173-ე, სამართალდამცველის კანონიერი მოთხოვნისადმი დაუმორჩილებლობის მუხლით არიან დაკავებულები.

თეონა ჭალიძის თქმით, პოლიციამ მათ წინ ბარიკადები აღმართა და მერიის შენობაში შესვლის საშუალება არ მისცა, რაც უკანონოა.

## ჭკუა პერ ისნავლეს

თბილისის მუნიციპალური ინსპექციის მიერ გამოწერილ ჯარიმებთან დაკავშირებით, „სტრატეგია აღმაშენებელმა“ თბილისის მერიასთან გუშინ აქცია გამართა და მიმდებარე ტერიტორიაზე კარები თვითნებურად განათავსა.

„სტრატეგია აღმაშენებელი“ ისევ დაჯარიმდა 1000 ლარით, ადმინისტრაციულ სამართალდარღვევათა კოდექსის 1503-ე მუხლის მესამე ნაწილის მიხედვით, რაც გულისხმობს ქალაქ თბილისის მუნიციპალიტეტის ტერიტორიაზე სავენტილაციო სისტემის, ბანკომატის, სარეცხის საშრობის, გისოსის, ჯისურის, დახლის ან/და სხვა მსუბუქი კონსტრუქციის თვითნებურ მონტაჟს ან/და განთავსებას“, — ნათქვამია მერიის მიერ გავრცელებულ განცხადებაში.

როგორც უწყებაში განმარტავენ, სწორედ ამავე მუხლით დაჯარიმდა პოლიტიკური პარტია რამდენიმე თვის წინ, რაც მათ გაასაჩივრეს მერიის იურიდიულ სამსახურში, მაგრამ საჩივარი არ დაკმაყოფილდა.





### ფეხბურთი - ბაზონის ფაქტორი

მინიდან „კრისტალზე“ ეროვნული ლიგის მორიგი ტურის ცენტრალური მატჩი „დინამო“ – „საბურთალო“ გადაიდო, ბელარუსთან მოახლოებული უმნიშვნელოვანესი სანაკრებო პლეი-ოფის პრიზმაში სასაიამოვნო აღინიშნოს, რომ გასულ უქმეებზე თავი ისახელეს უცხოეთში მოთამაშე ქართველმა ლეგიონერებმა.

კერძოდ, გოლები გაიტანეს კვარაცხელიამ, კიტეიშვილმა, კანკავამ, ბერიძემ და ზივზივაძემ, ხოლო ჩაკვეტაძე გამოჯანმრთელდა და მინდორს დაუბრუნდა.

რადგან ზემოთ გადადებული შეხვედრა ვახსენეთ, დავძენთ, რომ იგი სწორედ ერთა ლიგის მომავალი ჯახისათვის „დინამო არენის“ გაზონის შენახვის საბაზით გადაინიშნა 23 ოქტომბრისთვის.

რაც შეეხება ევროპის სტადიონზე გამართულ ჯახებს, გაეცანით რამდენიმე საყურადღებო



ბო შედეგს: „ასტონ ვილა“ – „ლივერპული“ 7:2, „მანჩესტერ იუნაიტედი“ – „ტოტენჰემი“ 1:6, „ბაიერნი“ – „ჰერტა“ 4:3 (ოთხივე ბურთი სტუმრებს ლევანდოვსკიმ გაუტანა), „სპარტა“ – „ალკმარი“ 4:4 (მასპინძლებმა 0:4 ამოქაჩეს).

კობა კობახიძე

### კალათბურთი



## თურქი, უიქლია...

მას შემდეგ, რაც „ლოს-ანჯელეს ლიკერზი“ ნბა-ს სუპერფინალური სერიის მეორე მატჩის მოგებით „მაიამი ჰითთან“ – 124:114 კომფორტული ანგარიშით დაინაწურდა – 2:0, ბევრმა ფლორიდალები ჩამოწერა – მათ ხომ ტრავმირებული ძირითადი გამთამაშებელი გორან დრაგიჩიუც გამოაკლდა.

როგორც ირკვევა, არც მთლად მასე ყოფილა საქმე – კედელთან მიყენებული ერიკ სპოელსტრას გუნდი მესამე შეხვედრაში საკუთარ თავს გადაახტა და ფავორიტი ციდან მინაზე დაუშვა – 114:104.

ასე რომ, წყვილში ინტრიგა დაბრუნდა – 2:1 და უკვე ძნელი პროგნოზირებადია, როგორ განვითარდება ანი მოვლენები – კიდევ ერთხელ დადასტურდა, რომ თვით მრისხანე მეტოქეც კი არაა დაუმარცხებელი.

ყველაზე შედეგიანები: ჯიმი ბატლერი – 40 ქულა, 11 მოხსნა, 13 პასი („მაიამი“); ლებრონი ჯეიმსი – 25 ქულა, 10 პასი, 8 მოხსნა („ლიკერზი“).

ამასობაში ხანმოკლე მინი-კრიზისი დაძლია ცსკა-მ, რომელმაც ვთბ-ლიგის საშინაო ბრძოლა კრასნოდარის „ლოკომოტივ-უზბანს“ 94:80 მოუგო. თორნიკე შენგელიამ არმიელებს 11 ქულა შესძინა.

ვიტალი ჯაფარიძე

### ლეგენდა

## ბუნდესლიგის უამბუნელი

მას ყველა გამოკითხვაში აქვს დამკვიდრებული კუთვნილი ადგილი ერთ-ერთი ცენტრალური მცველის პოზიციაზე, თანაც – სასვებით დამსახურებულად.

იცვლებიან მენყვილები, მათ შორის ზოგი უპირატესობას მურთაზ ხურცილავას ანიჭებს, მაგრამ ფრანც ბენკენბაუერი უკონკურენტოა.

ხომ იცით, ენას ძვლით არა აქვს და ისიც მსმენია, იგი მეორე მსოფლიო ომის დროს დატყვევებული ქართველი ჯარისკაცის უკანონო შვილია, რომელიც გერმანელი არისტოკრატის მამულში მუშაობდა და ბარონესასთან გააბა მიჯნურობა.

„ყოველისმცოდნენი“ სწორედ ამ ფაქტით ხსნიდნენ (და დღესაც ხსნიან) მის ვითომ კავკასიურ გამომეტყველებასა და, რაც მთავარია, 1945 წელს დაბადებას.

რას ვიზამთ, ქორები ხომ ყველა ტიტანის ვარსკვლავური კარიერის მარადიული თანამგზავრია.

არადა, კაიზერ ფრანცის ისედაც უამრავი სპორტული თუ პიროვნული მიღწევა და ღირსება გამოარჩევს, რომელმაც ფეხბურთის ქურუმის რეგალით შეამკო.

დავინყოთ იმით, რომ იგი, თუ არ ვცდებით, ერთადერთია, ვის კოლექციასაც მსოფლიო ჩემპიონატებზე მოპოვებული სამივე სინჯის მედალი ამშვენებს. მართალია, 1974 წელს სამშობლოში მოხვეჭილ „ოქროს“ ვერაფერი შეედრება, მაგრამ გულშემატივარი არანაკლები პატივით იხსენებს მექსიკაში გამართულ წინა მუნდიალზე ინგლისის წინააღმდეგ მხარმოტეხილი ფენომენის მხოლოდ მისთვის ჩვეული დაუოკებელი ჟინითა და ტექნიკურ-პლასტიკური მანერით თამაშს.

ევროპის ჩემპიონი და ორგზის საუკეთესო მოთამაშე ოლიმპზე ბუნდესლიგის მწვრთნელად



ლის ამბულაშიც ავიდა, რომელსაც ლეგენდარული მარადონას არგენტინასთან 1986 წელს „ატეტკაზე“ წაგებული ფინალის შემდეგ უკვე 1990 წელსვე იტალიაში უმაღლესი ტიტულის ტოლფასი რევანში ააღებინა.

აღარაფერს ვამბობთ მიუნხენის „ბაიერნი“ შექმნილ ეპოქაზე, რომლის აღზუვებაც ჩემპიონთა თასისა (სამგზის) და უამრავი სხვა ჯილდოს დაუფლებით აღინიშნა.

თვით მასტრო განსაკუთრებულად მადრიდის „ატლეტიკოსთან“ ბრიუსელში ლამის გამოტირებული მატჩის ხსნას მიიჩნევს, როცა შვარცენბეკმა 120-ე(!) წუთზე, ანუ დამატებითი დროის ბოლო სამეგზე, ზღაპრული შორეული გასროლით გადაარჩინა პარტიორები – 1:1, ხოლო ორი დღის შემდეგ დანიშნულ გადათამაშებაში, დემორალიზებული მეტოქე, უბრალოდ, ნოკაუტში გაგზავნეს – 4:0.

როგორც სამაგალითო პროფესიონალი, სახელოვან „კეისარსაც“ კეისრისას მიაგებს“ და არ ეთაკილება აილაროს ოლეგ ბლოხინის დიდოსტატობა, რომლის კიევის „დინამომაც“ ბავარიელებს

დაუვიწყარი გაკვეთილი ჩაუტარა, თუმცა, ამავე დროს, ტკბილად იგონებს ნიუ-იორკის „კოსმოსში“ პელესთან ერთად გატარებულ სეზონს, რომლის მაისურაც მწვანე მინდორზე დაფარული მარათონის ფინიშზე მოიგო.

მოკლედ, ასეთი იყო და ასეთად რჩება დღეს უკვე 75 წლის ყველაზე პოპულარული სახეობის რაინდი, რომელსაც უფალმა გენიალური იოჰან კრუიფის თანამედროვეობა, მიუღერის, ბრაიტენის, მაიერის, ოვერატის, ჰოლცენბაინის, გრაბოვსკის, ბონჰოფის, ჰიონესის, ფოტისის თანაგუნდელობა-კაპიტნობა და ჰელმუტ შიონ-უდო ლატეკის ტაქტიკური იდეების ბრძოლის ველზე ხორცშესხმა დააბერტყა.

ბია ალბონიშვილი

### ფარიკაობა

## ვეტერანები მყოფრუი არიან


ქველი გვარდიის მუშვეტერთა ინიციატივით 2015 წელს ჩამოყალიბდა ვეტერან მოფარიკავეთა საბჭო, რომლის თავმჯდომარედ ახალგაზრდებში 1963 წლის მსოფლიოს ჩემპიონი, მედიცინის მეცნიერებათა დოქტორი ნიკოლოზ ანდრიაძე ავირჩიეთ. ვეტერანთა მსოფლიოსა და ევროპის ჩემპიონატებისკენ სწორედ მან გაგვიკვალა გზა – 2013 წელს მსოფლიოზე ბრინჯაოს მედალი მოიპოვა, მომდევნო წელს კი ევროპის პირველობაზე მიაღწია მსგავს წარმატებას; პროფესიონალ ექიმთა ევროპის პირველობაზე რაპირით შეჯიბრებაში ორჯერ ოქროს მედალი ერგო...

2016 წელს ჩვენი ორგანიზაცია ევროპის ვეტერან მოფარიკავეთა ფედერაციის წევრი გახდა. მას შემდეგ რეგულარულად ვმონაწილეობთ მსოფლიოსა და ევროპის გუნდურ პირველობებში. 2018 წელს დაშნაში მე-9 ადგილზე გავვით. რაც წლები გადის, ვეტერანთა ტურნირებში სულ უფრო მეტი მონაწილე იყრის თავს და წარმატებების მიღწევა რთულდება. მაგალითად, შარშან ოთხ ასაკში სხვადასხვა ქვეყნის 1800-ზე მეტი მოფარიკავე ასპარეზობდა ევროპის ჩემპიონატში.

მომავალი წლიდან ვეტერანთა ტურნირების პოპულარობა კიდევ უფრო გაიზრდება, რადგან მსოფლიოსა და ევროპის ჩემპიონატებთან ერთად 2021 წლიდან ვეტერანებისთვის ევროპის საზაფხულო თამაშები გაიმართება, რომლის პროგრამაშიც ფარიკაობაც შეიტანეს. ამას ყოველწლიურად დაემატება ოთხი სატელიტი ტურნირი, რომელთა შედეგების გათვალისწინებით გამოვლინდებიან წლის საუკეთესო მუშვეტერები. ასე რომ, საერთაშორისო სარბიელზე ჯილდოების მოსაპოვებლად მეტი გარჯა მოგვიწევს – წვრთნის პროცესს გავაუმჯობესებთ და საშინაო ტურნირების რაოდენობას გავზრდით. ბოლო ორი წლის განმავლობაში ორჯერ საქართველოს თასი გავაიმარჯვეთ და ამდენჯერვე საახალწლო შეჯიბრება მოვანწყვეთ.

წლეულს 17 ოქტომბერს ვეტერანთა საბჭოს საანგარიშო-საარჩევნო ყრილობა გაიმართება, სადაც განვილილ მუშაობას გავაანალიზებთ და სამომავლო გზებს დავსახავთ. იმედია, საბჭოს ახალი შემადგენლობა საერთაშორისო სარბიელზე უკეთესი შედეგების მოსაპოვებლად უფრო მეტს გააკეთებს.

ზურაბ ზოქუჩავა, ვეტერანთა საბჭოს თავმჯდომარის მოადგილე



### ჭადრაკი - უპატრონო გპირგპინი

ჭადრაკში მსოფლიო ჩემპიონის ტიტულისთვის ბრძოლების ისტორია საკმაოდ მდიდარია საინტერესო პერიოდებით, ერთობ უცნაური, ზოგჯერ კი, სულაც, სენსაციური, მანამდე გაუგონარი ამბებით.

მას შემდეგ ზუსტად 45 წელი გავიდა, რაც 1975 წლის 3 აპრილს, იმის გამო, რომ მანამდე საჭადრაკო ტახტის მფლობელმა, ამერიკელმა რობერტ (ბობი) ფიშერმა, უარი თქვა ტიტულის დაცვაზე, მსოფლიო ჩემპიონად საბჭოელი გროსმაისტერი ანატოლი კარპოვი გამოაცხადეს.

არადა, ამ შეხვედრას ჭადრაკის მოყვარულები დიდი ხნის განმავლობაში მოუთმენლად ელოდნენ, რის ერთ-ერთი მთავარი მიზეზი ისიც იყო, რომ გენიოსი ამერიკელი მოჭადრაკე დიდად ექსცენტრული პიროვნება იყო და მისგან ნაკლებად გასაგები, ხშირად კი სრულად გაუგებარი საქციელი მაინცდამაინც არავის უკვირდა. მაგალითად, მას შეეძლო მოეთხოვა რაღაც განსაკუთრებული სავარძელი, სცენის უჩვეულო განათება, რომლისაც გარკვეული სიკეთერ უნდა ჰქონოდა, რომელიც ერთი ჯიშის ფორთოხლის წვენი, ანდა დარბაზში აბსოლუტური, წარმოუდგენლად სრული სიჩუმე.

თანაც იგი გამუდმებით ცვლიდა შეხვედრების თუ ტურნირების ორგანიზატორებისადმი თავის მოთხოვნებს. ამდენად, იმთავითვე ცნობილი იყო, რომ უდავოდ ნიჭიერი ანატოლი კარპოვისა და ბობი ფიშერის შეხვედრა მშვიდობიანად ვერაფრით ჩაივლიდა.

საბოლოოდ ანგარიშით კი, ფიშერმა საერთოდ უარი თქვა თამაშზე, უფრო სწორად კი არაფრად ჩააგდო ორთაბრძოლა ჭადრაკის მეფის ტიტულისთვის. თავისი პირველი სვლა პაიკით ანატოლი კარპოვმა ცარიელად დარბაზში გააკეთა, რის შემდეგ მსაჯებმა საათი გააჩერეს და იგი მსოფლიოს ახალ ჩემპიონად გამოაცხადეს. ამის გამო მთელი საჭადრაკო სამყარო დიდად გულდაწყვეტილი დარჩა, თუმცა კი საბჭოელი გროსმაისტერები კმაყოფილებას ვერ მალავდნენ. ა. კარპოვის მთავარმა თაყვანისმცემელმა – სსრ კავშირის კომპარტიის ცენტრალური კომიტეტის გენერალურმა მდივანმა ლეონოდ ბრენენგმა კი საკრამენტალური ფრაზა წარმოთქვა: „აილე გვირგვინი?! ჰოდა, ხელი არ გაუშვა, მაგრამ გეჭიროს!“

ოთარ ტურაბელიძე





### 578 ახალი შემთხვევიდან 416 აჭარაში გამოვლინდა

გაშინ დღე-ღამის განმავლობაში, საქართველოში დადასტურებული კოვიდინფიცირების 578 ახალი შემთხვევიდან 416 აჭარაში გამოვლინდა, - ამის შესახებ ინფექციური საავადმყოფოს ბოქსირებული განყოფილების ხელმძღვანელმა მარინა ენდელაძემ განაცხადა.

„რა ვქნათ, აჭარაში არის 416 ახალი შემთხვევა. ბევრია. თბილისში ცოტა იმატებს, 72 შემთხვევაა, იმერეთში 44, სამეგრელო-ზემო სვანეთში - 23, ქვემო ქართლში - 10, გურიაში - 8, სამცხე-ჯავახეთში - 3, კახეთში - 1, შიდა ქართლშიც 1 ახალი შემთხვევა“, - განაცხადა მარინა ენდელაძემ.

გუშინ 375 პაციენტი გამოჯანმრთელდა.

\* \* \*


სამეგრელო-ზემო სვანეთის რეგიონში სახელმწიფო რწმუნებულის მოვალეობის შემსრულებლის მალხაზ თორიას განცხადებით, რეგიონში გამოვლენილი კორონავირუსის ახალი შემთხვევებიდან შვიდი ზუგდიდის მუნიციპალიტეტის მკვიდრია, მათგან სამი ე.წ. ოქროს ბირჟის კლასტერს განეკუთვნება, კიდევ სამი კი შპს „გორგისას“ სასაწყობო მეურნეობის დარაჯის კონტაქტია. მისივე ინფორმაციით, ინფიცირებულებს შორის ერთი ზესტაფონი-ზუგდიდის სამარშრუტო მიკროავტობუსის მძღოლია.

მალხაზ თორიას განმარტებით, კიდევ სამი ინფიცირებული ჩხორონწყუს მცხოვრებია.

### ვირუსების სანიტარულად გასაფრთხილებლად ვაქცინის შექმნა საქართველოში მომავალი კვირიდან იქნება

საქონური გრიპის ვირუსების სანიტარულად გასაფრთხილებლად ვაქცინის შექმნის პროექტი 250 ათას ერთეულ ვაქცინის შექმნას გეგმავს, - ამის შესახებ ჯანდაცვის მინისტრმა ეკატერინე ტიკარაძემ ბრიფინგზე განაცხადა.

მისი თქმით, სეზონური გრიპებთან დაკავშირებით ვაქცინის ნაწილი უკვე შექმნილია და დამატებით კიდევ მოხდება შექმნა.



### „იმუშავე საქართველოდან“

ტურიზმის ეროვნული ადმინისტრაციის პროექტის „იმუშავე საქართველოდან“ ფარგლებში 27 აგვისტოდან 4 ოქტომბრის ჩათვლით სხვადასხვა ქვეყნის 800-მდე მოქალაქე დარეგისტრირდა.

ადმინისტრაციის ინფორმაციით, პროექტის ფარგლებში, ქვეყანას - სტრატეგიულად მნიშვნელოვანი, მაღალმხარჯველუნარიანი ვიზიტორები სტუმრობენ, რომელთა შერჩევის ერთ-ერთი საკვალიფიკაციო კრიტერიუმი საშუალო ყოველთვიური მინიმალური შემოსავალი - 2,000 აშშ დოლარია.

„იმუშავე საქართველოდან“ პროექტის ფარგლებში საქართველოს უკვე ეწვია აშშ-ის, ავსტრალიის, დიდი ბრიტანეთის, რუსეთის, უკრაინის, ახალი ზელანდიის, კანადის 83 მოქალაქე. ვიზიტორები საქართველოში ხანგრძლივი პერიოდით დარჩებიან და დისტანციურად იმუშავენ.

მიღებული აპლიკაციების კატეგორიების განაწილება შემდეგნაირია: 53% თვითდასაქმებული, 28% - სრულ განაკვეთზე დასაქმებული, ხოლო 19% - მენარმე.

პროექტის ფარგლებში რეგისტრირებული აპლიკანტები მოქალაქეობის მიხედვით 60-ზე



მეტ სხვადასხვა ქვეყანას წარმოადგენენ. ტოპ ხუთეულში შემდეგი ქვეყნის მოქალაქეები მოხვდნენ: რუსეთი - 28%; აშშ - 18%; ბელარუსი 6 %; დიდი ბრიტანეთი - 5%; უკრაინა - 5%.

მიღებული განცხადებებიდან უკვე დადასტურებულია 350-მდე დაინტერესებული პირის აპლიკაცია. არ დაკმაყოფილდა 80-მდე აპლიკაცია.

„იმუშავე საქართველოდან“ არის ინოვაციური პროექტი, რომელიც საქართველოს მთავრობამ შეიმუშავა კოვიდპანდემიის დროს, რომ მოხდეს ტურიზმის ინდუსტრიის სტიმულირება და წახალისება.

ჩვენი მიზანია პროექტის ფარგლებში სტრატეგიული ქვეყნებიდან ძალიან უსაფრთხოდ მოვიზიდოთ კიდევ უფრო მხარჯველუნარიანი ტურისტები, რომლებიც შედარებით გრძელი ვადით იცხოვრებენ ჩვენს ქვეყანაში და დისტანციურად იმუშავენ საქართველოდან. ძალიან მოკლე პერიოდში, დაახლოებით 1 თვეში 60-მდე ქვეყნის 800-მდე უცხო ქვეყნის მოქალაქის განაცხადი გვაქვს მიღებული, რომელიც საქართველოში ჩამოსვლის და დისტანციურად მუშაობის სურვილს გამოხატავს.

### მეფას შეეშა აიკრძალა, მეგრამ... მეფას შეეშა ისევ გვატყავებენ!!!



### „კრისტალი“ და „რიკო კრედიტი“ გაეუქმა ხაზარაძის ინიციატივაზე

დაიდგა მის აღმოსაფრთხვლად, თუმცა ხაზარაძე დარჩა მათი რაღაც ნაწილი, რომელიც ყველა ქვეყნის ეკონომიკაში არის და რომელიც იმდენად მცირეა, რომ სახელმწიფო ვერ გააკონტროლებს. არც იმას გამოეწინააღმდეგება რომ მეფასშეობის პრაქტიკა დღეს ისევ არსებობს, მაგრამ ეს არის პროცესი რომელიც ერთი მხრივ ფინანსურ დანაშაულთან ბრძოლას და მეორე მხრივ მომხმარებელთა ფინანსური განათლების ამოღებას გულისხმობს, თუ ეს ორივე პირობა მაქსიმალურად მაღალ დონეზე შესრულდება, მეფასშეობა მინიმუმამდე იქნება დაყვანილი. პოლიტიკოსებს ასეთი ეფექტური სახელწოდებების გაფლერება უფერო, თორავ რეალურად ეს უკვე წლებია კეთდება და აქ ახალი არაფერია“, - განმარტავს არჩილ ბაკურაძე.

„ჩვენ საკმაოდ სერიოზულად ვაპირებთ საბანკო და საფინანსო სექტორის რესტრუქტურის განხორციელებას. მიზანია, მოსახლეობას განუმარტო, სიტყვა მეფასშე რას ნიშნავს. სიტყვა მეფასშე ქართული განმარტებით ლექსიკონით ნიშნავს კერძო პირს, რომელიც მეორე პირს ასესხებს თანხას და ამით ნახულობს სარგებელს. ამიტომ, მე გამოვიდვიარ ინიციატივით, რომ საქართველოში მსგავსი საქმიანობა, რომელიც არაღებგაღებულია, იქნას კანონით დასჯადი და აკრძალული“, - ამის შესახებ „ლელო საქართველოსთვის“ ლიდერმა და ყოფილმა ბანკირმა მამუკა ხაზარაძემ განაცხადა.

საქართველოში მეფასშეობის აკრძალვასა და კანონით მის დასჯასთან დაკავშირებით, მოსაზრება „კომერსანტმა“ მიკროსაფინანსო ორგანიზაციების ხელმძღვანელებს სთხოვა.

„კრისტალის“ სამეთვალყურეო საბჭოს თავმჯდომარე არჩილ ბაკურაძემ „კომერსანტთან“ საუბრისას განაცხადა, რომ მეფასშეობა ეროვნული ბანკის მიერ უკვე წლებია აკრძალული და დასჯადია, ამიტომ ეს მხოლოდ პოლიტიკოსების მხრიდან არჩევნების წინ „ეფექტური სახელწოდებების გაფლერებას ჰგავს“.

„ბოლო წლების რეფორმები, რომელიც ფინანსურ ხაზარაძე გატარდა, დიდწილად მეფასშეობის აკრძალვას ემსახურებოდა და ის, რაც დღემდე გაკეთდა, საკმაოდ ეფექტურად იყო. 20 ადამიანზე მეტისთვის გასესხების შემთხვევაში, სუბიექტი ვალდებულია დარეგისტრირდეს სესხის გამცემად და დღეს უკვე ნახევარ მილიარდზე მეტია ასეთი პორტფელი. ფაქტობრივად, ეროვნულმა ბანკმა ჩრდილიდან გამოიყვანა ეს გარიგებები და შედეგად ნათელია მომხმარებელთა უფლებების დაცვის ჩარჩო მასაც ესება და საგრძნობლად შემცირდა არაფორმალური საკრედიტო ურთიერთობები, რომელიც აქამდე არსებობდა. ამიტომ ეს უკვე აკრძალული და დასჯადია, ვინც ამას დარღვევს, კანონთან მოდის წინააღმდეგობაში და არღვევს მას, ამიტომ ეს უკვე მეფასშეობის აკრძალვის საფუძველია. აქედან გამომდინარე, ძალიან ბევრი ნაბიჯი გა-

### ფეხბურთი - მაყურებლის გარეშე

ჩამი პირადი რეკომენდაცია არის, რომ თამაში უნდა ჩატარდეს მაყურებლის გარეშე, - განაცხადა საქართველოს დავადაბათა კონტროლის ცენტრის ხელმძღვანელმა ამირან გამყრელიძემ საქართველო-ბალარუსის მატჩთან დაკავშირებით, რომელიც 8 ოქტომბერს თბილისში, „დინამო არენაზე“ გაიმართება. მისი თქმით, უფრო-მ სტადიონის საერთო მაყურებლის 30 პროცენტის დასწრების ნებას იძლევა, თუმცა საბოლოო გადაწყვეტილების მიღება ქვეყნებს დაუტოვა.

### დიზაინერი კორონავირუსით გარდაიცვალა



კენზო ტაკადა 2020 წლის 4 ოქტომბერს ნიოისიურ-სენ-ის (კომუნა საფრანგეთში) ამერიკულ კლინიკაში გარდაიცვალა COVID-19-ის შედეგად.

ლეგენდარული დიზაინერი 81 წლის იყო.

ტაკადა პარიზში იაპონიიდან 1965 წელს გადავიდა, 1970 წელს კი თავისი ბრენდი Kenzo დააფუძნა და პირველი ბუტიკი გახსნა.

### ევროკომისიის პრეზიდენტი თვითიზოლაციაშია

ევროკომისიის პრეზიდენტის ურსულა ფონ დერ ლაინი თქმით, მისი იზოლაციაში ყოფნა მას შემდეგ გახდა საჭირო, რაც ის დაესწრო ერთ-ერთ შეხვედრას, რომლის მონაწილეც კორონავირუსი დაუდასტურდა. შეხვედრა გასულ სამშაბათს გაიმართა.



ევროკომისიის პრეზიდენტის განმარტებით, ის თვითიზოლაციაში ორი დღე იქნება. ევროკომისიის პრეზიდენტს განმეორებითი ტესტი გუშინ გაუკეთეს.



# გილოცავთ!




დიდი მერაბ ბერძენიშვილის მუზას, მშვენიერ ქალბატონს

## კირა მიქალაძე

ვულოცავთ დაბადების 90 წლისთავს, ვუსურვებთ ჯანმრთელობას, დაუტყნობელ მშვენიერებას და დიდხანს კვლავაც შინაარსიან სიცოცხლეს.

საქართველოს კულტურის ფონდი



3 ოქტომბერს 75 წელი შეუსრულდა XX საუკუნის საუკეთესო სპორტსმენს, 3-გზის ოლიმპიურ ჩემპიონს მძლეოსნობაში (სამხრეთი) – ჩვენს თანამემამულეს

## ვიქტორ სანაძე

ვიქტორი ამჟამად ცხოვრობს ავსტრალიაში, მაგრამ ჩვენს საქართველოს პატრიოტად და გულშემოთკვირად.

ვეტერანი მოფარიკავეების სახელით: ოლიმპიელები და მსოფლიო ჩემპიონები გურამ კოსტავა, იური ოსიპოვი

## დასავლეთ საქართველოში ტემპერატურა მოიმატებს



6-8 ოქტომბერს დასავლეთ საქართველოში დათბება და უმეტესად უნაღველი ამინდი იქნება. ზოგან იქროლებს აღმოსავლეთის მიმართულების ძლიერი ქარი. ჰაერის ტემპერატურა +25, +30 გრადუსამდე მოიმატებს.

აღმოსავლეთ საქართველოში მოსალოდნელია მცირე ნალექი და ნისლი. მაღალმთიან ზონაში ღამის საათებში შესაძლოა თოვლქყვაპი აღინიშნოს. ჰაერის ტემპერატურა ბარში +15, +20 გრადუსის ფარგლებში იქნება, ხოლო 8 ოქტომბერს უმეტესად უნაღველი ამინდია მოსალოდნელი.

## ლეონიდაური ლისა სიმონე და „ალილო“

სოულისა და ჯაზის ამერიკელმა ვარსკვლავმა ლისა სიმონემ კახეთში „ალილოსთან“ ერთად იმღერა.

წინანდლის მამული ფესტივალი, Jazz & Wine Kakheti-ს მასპინძლობს. ფესტივალის მთავარი სტუმარი სწორედ სოულისა და ჯაზის ამერიკელი ვარსკვლავი ლისა სიმონეა.

მთელი დღის განმავლობაში წინანდლის ამფითეატრის სცენაზე ასევე წარდგინებენ ბექა გოჩიაშვილის ტრიო, რუსა მანველი და დავით მაზანაშვილის ბენდი. ფესტივალზე ქართული ლევის მწარმოებელმა 20-მდე კომპანიაში ლევის დეგუსტაცია გაბართა.



## რაპანა საზღვაო სივრცეში

ბარამოს ეროვნული სააგენტო, პირველად საქართველოს საზღვაო სივრცეში, შავი ზღვის რაპანას მასშტაბურ კვლევას იწყებს, – ინფორმაციას საქართველოს გარემოს დაცვისა და სოფლის მეურნეობის სამინისტრო ავრცელებს.

„რეგიონის ზღვისპირა ქვეყნებს აღნიშნული პროდუქტის ექსპორტის დიდი პოტენციალი აქვს. რაპანა მოთხოვნადი პროდუქტია და მისი რეალიზაცია მსოფლიო მასშტაბით ხორციელდება. რაპანას კვლევა მნიშვნელოვანი წინგადადგმული ნაბიჯი იქნება რეგიონში რესურსის რაციონალური მენეჯმენტისთვის, რომლის საფუძველზე დადგინდება ინფორმაცია შავი ზღვის რაპანას პოპულაციის, მათი გავრცელების, რიცხოვნობის, ზომისა და ასაკობრივი სტრუქტურის შესახებ“ – აცხადებენ სამინისტროში.

რაპანა (Rapana venosa) შავ ზღვაში გასული საუკუნის 40-იან წლებში გავრცელდა და დიდი რაოდენობით გამრავლდა.



ექსპედიცია, რომელშიც გარემოს ეროვნული სააგენტოს სპეციალისტები მიიღებენ მონაწილეობას, შავი ზღვის საქართველოს სანაპიროს გონიო-ანაკლიის აკვატორიაში განხორციელდება და ნიმუშებს წინასწარ შერჩეულ 20 სადგურზე აიღებენ.

## მაღალანაზღაურებადი მსახიობი ქალები

ბამოცემა Forbes-მა მსოფლიოში ყველაზე მაღალანაზღაურებადი მსახიობი ქალების რეიტინგი გამოაქვეყნა. ათეულში 8 სერიალის მსახიობია.

პირველ ადგილზეა სოფია ვერგარა, რომლის წლიური შემოსავალიც \$43 მილიონია. მეორეა ანჯელინა ჯოლი. მისი წლიური შემოსავალი \$35,5 მილიონია. მესამეა გალ გადოტი \$31,5 მილიონის შემოსავლით. შემდეგია მელისამა კარტი და მერილ სტრიპი \$25 და \$24-მილიონიანი შემოსავლით.

საგულისხმოა, რომ Forbes სიაში წარმოდგენილი ათეულის წევრებმა ჯამში 12 თვეში \$254 მილიონი გამოიმუშავეს. ეს მონაცემი 2019 წლის მაჩვენებელზე 20%-ით ნაკლებია. 2019 წლის რეიტინგის თანახმად, ათეულში მყოფმა მსახიობებმა \$545,5 მილიონი გამოიმუშავეს.



## საქართველოს რესპუბლიკა

### SAKARTVELOS RESPUBLIKA

მთავარი ფონდები №48 ტელ: 239-03-43

მთავარი რედაქტორი სპარტაკ ძოგულია 599 36-00-35

პასუხისმგებელი რედაქტორები: გურამ გომიასვილი 599 53-76-16;

ალეკო ასლანიშვილი 599 56-81-86;

პასუხისმგებელი მდივანი მამუკა ვაშაკიძე 514 33-33-24

გამომცემლობა: შპს „ახალი საუკუნე – გაზეთ „საქართველოს რესპუბლიკის“ გამომცემელი“ 599 53-76-16; 599 36-00-35 შპს „თანადგომა“-გაზეთ „საქართველოს რესპუბლიკის“ გამომცემელი“ ტ: 599 79-76-79

იბეჭდება გამომცემლობა „კოლორ პრესი“ რკინიგზის ჩიხი №20

uac(უაკ)070.4(479.22) ს-323



ავტორთა საყურადღებოდ! რედაქციის მიერ შეუძვეთავი მასალა დაიკავშირება ავტორთა ხარჯით. ავტორთა მოსაზრებები, შესაქმობა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აგებენ ავტორები.

## გაზეთის მომსახურე ნომერი გამოვა ხუთშაბათს, 8 ოქტომბერს

სრ	უსსოური ვალუტის კურსი:
	აუუ დოლარი - 3.1975; აპრო - 3.7475;
	ბრიტანული პირაპნა სტერლინგი - 4.1299;
	100 რუბლი - 4.0725; თურქული ლირა - 0.4131;
	აზერბაიჯანული მანათი - 1.8822;
1000 სომხური დრამი - 6.5478.	

აქციები 6 ოქტომბრისთვის				
აღმოსავლეთი საქართველო:				
ბარსი -	ლავი	+8,	ფლე	+19
თიანე რაიონი -	ლავი	+5,	ფლე	+17
დასავლეთი საქართველო:				
ბარსი -	ლავი	+12,	ფლე	+28
თიანე რაიონი -	ლავი	+8,	ფლე	+24
თბილისი:	ლავი	+13,	ფლე	+19

დაგვიკავშირეთ, მოგვწერეთ: ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge